

南  
社  
叢  
選

貫成署





A541 212 0016 5452B

南社叢選

詩選卷五

涇縣胡韞玉樸安選錄

寒碧詩選

林景行字亮奇號寒碧福建閩侯人今錄詩二十首

宋碑醜後得眞長書聞佩忍已歸松陵感寄一首

斗酒來過敢欠期。生存華屋亦含悲。鄉山桂老吾難隱。江國尊寒子可思。似許  
流。人。仍。跌。宕。竟。成。殘。客。尙。猜。疑。平。生。獨。往。尋。碑。地。一。諾。應。孤。掛。劍。時。宋嘗約北  
來未竟竟

日夕睡起繞籬愴念歸而有作

籬落花已黃。病蟲帶寒意。北來客亦秋。刺景滿淒異。眼中數舊遊。一一皆哲萎。  
獨。余。孱。藐。躬。豈。爲。天。所。畀。江。山。互。故。版。此。命。殆。誰。寄。覺。來。却。失。笑。不。攬。范。生。轡。  
勤。民。庶。云。教。劃。地。可。求。治。能。窮。竟。年。力。自。接。四。海。氣。寓。書。與。劉。子。措。答。應。不。貳。  
昏。燈。且。校。篇。蠻。語。待。強。記。造。成。巴。哲。談。吾。學。或。足。試。

重過粵春堂感舊

北府論文事已非。西山載酒約仍違。寫憂祇剩黃墟在。感舊難任向笛悲。一去湘波憐賦鵬。再來松樹颯成祠。涼風天末今誰語。霜葉林梢又及時。

江亭暝過偕浚南

初。賺。暝。月。上。煙。蕪。漸。覺。寒。聲。出。敗。蘆。鐘。響。忽。收。天。外。寂。僧。形。如。向。物。邊。孤。但。憑。目。力。千。鴻。盡。偶。吐。絲。情。二。客。無。徒。倚。樊。川。真。一。笑。鬢。絲。禪。榻。定。誰。吾。

楚儂屬題分堤弔夢圖額竟署分湖蓋認作詞仙舊院也因繫兩絕  
不見垂楊下有堤。浪猜圖記浪標題。爲耽湖水年年綠。道是詞仙舊院棲。  
不是詞仙舊院棲。能尋芳塚也應題。後生筆記後人書。招恨重來已隔堤。

題亞子分湖舊隱圖

冥。心。孤。往。不。知。還。幾。曲。秋。蘆。水。幾。灣。安。得。從。君。借。漁。具。一。家。權。月。去。潺。潺。  
未。是。風。塵。拋。我。時。君。曾。隱。處。我。題。詩。奚。山。偷。許。旁。人。汗。猿。鶴。還。應。倦。客。疑。

聽永見际新篇次韻却答

昔人高。餓顯。西山采薇詩。此義久已湮。士林嗟。式微感。子豪傑。懷四海。猶凌遲。我吟匪。篋壺。何以迎王師。正雅止不作。反騷茲爲宜。百篇自風發。讀之悽肝脾。作者日以衰。亡羊遭路岐。指導固無轍。步趨安可離。君筆有神助。辛苦將焉辭。向來儼。謝柳憤懣過。韓非有學。乃不用何物。當刑笞。况非治亂才。敢與聖任期。

齋中讀書二首

獨遊渡渾水。讀書常閉戶。近乃宅傍域。况有家人聚。雲壑既絕想。燈簾亦垂嫵。夙悲經世心。得此養痾古。慙兒漸持杯。細婢嗜修脯。新燠出龍焙。嘉食薦冰乳。興來我吟哦。書際君鼓舞。浮菴近臨子敬行草甚得其妙兩生如有得。一室任何許。囊豐時寄傳。籤滿可傾賭。想見城南人。悠然討雙譜。

結念遊柏林。長懷終弗釋。晶晶夜燈光。切切秋蟲客。鈎沈時未能。汲短每見絀。篇行窮張羅。意會苦尋繹。百練豈爲剛。千金良不易。平生力行志。死友懺悔夕。

亡友黃遠庸懺悔錄。猝然忽一通。勿使幽靈隔。子讚用知歸

獨歸

寂寂寒陰苦閉春。江阡刺眼屬芳塵。但令不飲沈長夜。誰信彌天了此身故隱。獨歸惟涕淚。蒼冥無睽是精神。正愁風雨崩騰夕。難訪成連到海濱。

黃鵠山石臺偕王文東暝天話舊慨然有作

向來與子登臨意。緬付秋風作一吹。海上耽吟人亦老。闌前對立客還稀。李郎才氣殊吾羨。葉女風流未可思。懶喚紅巾搵新淚。稼軒淒惻絕哀時。

聞方沚亭丈卒於海上哭之以詩

苦從憤世說安貧。獨許離居敵作辛。渺渺神州歸此老。滔滔江漢待何人。一生仁行殊爲貴。今後狂言孰與親。別有無窮告祭意。海天兒女暗沾巾。

歸西湖賦像生牽牛花感舊

北瞻寒星收冉冉。南瞻芳露泣垂垂。眼中携手凭欄處。年事凝妝向暝時。

鑄夫味生雨樵諸君子召讌圖書館樓背山面湖極饒草樹之盛

枕權赴嘉招。對樓資小凭。層峯俯深眇。宏宇羅青冥。結構豈就道。遙自始娉。朝雲凝不散。夏羽矯還輕。連漪揚輕颺。嘉樹當列屏。玫瑰溢芳氣。素馨送微醒。雖無肌鬢香。亦動簧絲情。按序已逾屆。宿意還當醒。

籃輿長行數里草逕裏湖花篁入岫

俯郭趨十里。迴湖俄已晴。午陰鬱無暄。蒸日時漏明。峯出朝靄。泉迷亂香生。草逕往無際。籃輿疑未行。緋花淫滴滴。翠篠垂盈盈。意會異探討。耳目殊經營。惜余病微質。未足當炎兵。稍觸暄燠氣。便苦拘墟情。強振釋形勸。靜趺培神經。還思早春際。徐接羣芳清。

五月十二日薄曉泛湖憩北亭凝感有紀

凌晨沂團流。展棹覓清異。連陂徑蜿蜒。蔽築林羅綺。遙峯隱凝思。滑磴阻洊至。澗曲越潛響。橋迴滿空翠。須臾光景開。彌覺山水膩。宿霧破參差。新日出明媚。

涼。照。雖。倏。遷。升。沈。豈。異。企。傲。情。總。在。墳。麗。想。愧。入。寺。暝。如。苔。蘚。光。靜。得。鐘。梵。氣。  
仙。藏。不。可。尋。悠。然。假。夢。寐。

從北高峯下韜光庵外憩石橋倚欄看竹

陰。峯。千。轉。此。憑。欄。萬。竹。參。天。俯。一。寒。絕。憶。扶。橋。悄。無。語。當。時。猶。作。畫。中。看。

湖泛口占示貞壯

晚。風。翼。翼。浪。吹。衣。涼。水。鱗。鱗。翠。入。微。借。與。詩。人。隨。一。舸。枕。流。看。樹。愴。忘。歸。  
勒。生。詩。選

陳子範字勒生福建閩侯人今錄詩十三首

題鈍劍花前說劍圖

雄。雞。喔。喔。曙。色。開。拔。劍。起。舞。臨。高。臺。先。生。磊。落。負。奇。氣。江。郎。彩。筆。少。陵。才。人。才。  
不。用。泛。江。湖。憂。民。憂。國。血。淚。枯。誓。將。赤。手。收。河。山。不。鋤。異。種。非。丈。夫。紅。顏。自。古。  
憐。才。子。擊。筑。高。唱。大。風。起。衆。人。皆。醉。巾。幘。醒。英。雄。甘。爲。知。音。死。金。閨。國。士。難。再。

得。誰道美人能傾國。十萬金鈴護名花。是大英雄大好色。詩成長嘯鬼神走。披圖痛飲樽中酒。飛泉出匣不平鳴。夜夜光芒冲北斗。

狂吟

正氣銷沈逐暝烟。腥膻晦霧暗長天。可憐牛馬無猜慣。槽櫪相安二百年。河山慘淡色如灰。走狗終烹實可哀。忍說君臣魚水樂。匈奴不是霸王才。斷髮佯狂類楚囚。忽看新詔淚齊收。無鄉禾黍離離長。朝市爭趨事國仇。

題蕪湖白馬山

天馬行空本不羈。雄心化石太離奇。中原失鹿無人逐。願借輪蹄日夜馳。

惜別

滿腔離緒黯無言。繫馬橋頭野樹根。瑟瑟寒蘆商女恨。斑斑淚竹帝妃魂。小園話別餘花影。壞壁尋詩剔蘚痕。最是令人腸斷處。重來不見舊柴門。

遊蠓磯



中原日下似河流。擊楫橫流寫我憂。宿露未乾枝上葉。朝暾已度水邊樓。山如揖客迎孤槩。身似勞人羨野鷗。安得不聞時世事。垂綸獨釣大江頭。

答畏友林子超

莫向天涯問楚囚。楚囚身世似虛舟。已無淨土容歌哭。只合浮槎犯斗牛。填海不沈精衛恨。補天難解杞人憂。傷心勞燕分飛後。擊筑孤吟易水頭。

痛哭

噩耗傳來自廣州。驚聞砥柱折中流。揮戈惜少回天力。飲血寧忘敵國讐。名節千年懸日月。華夷兩字辨春秋。從軍未捷身先死。淒絕招魂易水頭。

有感三章

出山攬轡欲澄情。胸有陰符百萬兵。伏櫪長嘶無限恨。拔刀起舞不平鳴。關河破碎分南北。豪傑飄零半死生。每飯難忘心內事。龍蟠虎踞石頭城。逝水年華去不還。留將熱血在人間。生無媚骨艱逢世。死有餘羞枉出山。爭上

綠章空灑淚。遙聞奏凱且開顏。談兵帷幄謀何拙。絕好中原尙閉關。  
滿目滄桑感慨增。何人左袒倡中興。細參色相原無我。辜負名山悔不僧。自笑  
驚弓如野鳥。生憎逐臭是青蠅。看他虜運終衰歇。同室操戈薛與滕。

買魚行

大船峨峨集江岸。小魚潑潑數千多。滄江清晨水不波。小船拋網如擲梭。大船  
小船前後拒。老蛟潛龍無處去。野人無舟住水滸。斫竹圍江作魚罟。夜來水漲  
遍河隄。家家歡笑各有魚。城中酒樓宴沽客。爭買魴魚不論百。當壚紅粉試輕  
刀。雪花簇簇金盤高。東鄰思婦出門看。買得鯉魚長尺半。操刀案上不忍傷。手  
把鯉魚欲斷腸。呼童放鯉水中央。寄我素書到他鄉。

浚南詩選

林學衡字浚南福建閩侯人今錄詩九十三首

秋夜琴聲曲

露華如水花滿天。銀屏墜月人未眠。紫簫吹破芙蓉烟。遠聲瀟湘彈七絃。走玉碎珠聲滿前。移情安得有成連。此時清響疑流泉。美人不來心悵悵。鳳尾桐音清且圓。離鸞別鶴情難捐。有酒如海淚如鉛。紅愁綠怨應無邊。秋星簾幙秋已遷。曲終三弄來飛仙。輕風習習影翩翩。驚起白鶴同證禪。

懷人詩三絕

破帽疲驢謁長官。先生亮節古今難。不知宦况今何似。千里相思夜正寒。閩縣王毓

青

肝胆論交一蔣侯。兩年旅舍爲君留。昨宵庭畔梅花發。便欲尋君下代州。陽湖蔣良

烟

容易思君鬢欲絲。紙窗歡笑憶兒時。便教淚化丁沽水。流到西江未有期。長樂林菊

吟

舊臘十二夕與志可菊吟叔永新猛話舊作

舊事從頭待細論。春中江上月黃昏。兒時情緒渾無着。人世亂離強自存。紅豆相思猶有淚。青鐙如夢欲銷魂。君家姊弟差知我。歲晚高樓笑語溫。

海上晤菊吟喜贈

別汝六年餘。遭逢歲又除。頻驚鸚鵡語。未寄鯉魚書。離緒詩能說。深情水不如。明朝淮海去。相憶更何如。

書憤一首示秋葉兼柬仲挺

歌哭中原苦未休。九京無地與埋憂。微聞東海爭秦帝。多事新亭泣楚囚。把酒有時銷塊磊。磨刀何日快恩仇。祇今世變虛相問。豎子成名貉一邱。

夜起有懷精衛

篝燈溫舊夢。來日歎才難。歲晚干戈逼。宵深鼓角殘。却將無限思。強借一枝安。起舞懷越石。蒼茫意未闌。

與菊吟夜話

靜話重君賢。深深語萬千。幽琴懷古意。明鏡惜華年。月色寒如此。燈花瘦可憐。還將無限思。寫與衍波牋。

調叔永兼示東生

史公譏留侯。狀乃類女子。豈知晉司空。風雲氣亦靡。買絲繡平原。昔人有如此。由來天下事。甯可以貌取。叔永信可愛。朱顏傾戚里。世兒任浮華。碌碌無足齒。以茲雲間龍。陋彼遼東豕。玉樹自亭亭。合向風前倚。但得常裘馬。不羨佩金紫。同時生瑜亮。矜持強相比。請問城北徐。與君究孰美。

喜雄伯至

平生姚醉侯。江海蹤所託。論交共杯酒。襟期兩落落。失喜忽相遭。世變方振作。四瀆尚橫流。六州同鑄錯。誰令曠代賢。坐鬱助時略。行至困風塵。文字束高閣。出處實大難。乃類燕巢慕。掬視餘酸淚。奇情久蕭索。勸君且舉觴。及時須行樂。萬事有明日。持此送詩魄。安得長置身。一邱復一壑。

送別易園

敢。詔。新。妝。學。畫。蛾。江。城。揮。手。怨。蹉。跎。無。多。絮。語。匆。匆。別。有。限。花。時。寂。寂。過。棄。我。  
華。年。如。逝。水。託。人。心。緒。有。微。波。酒。邊。點。檢。臨。歧。淚。一。種。傷。心。可。奈。何。

笠似招同蔣山鐵珊雨窗餞易園用并字韻

別。筵。差。喜。二。難。并。黯。黯。江。天。雨。易。成。送。客。杜。鵑。無。賴。甚。依。人。燕。子。可。憐。生。嘔。心。  
悔。作。聰。明。語。變。徵。慚。工。怒。怨。聲。故。態。狂。奴。聊。復。爾。應。嗟。世。已。棄。君。平。

立春日示叔永

江。村。花。發。漸。聞。鶯。十。里。淞。波。綠。到。城。是。處。盤。殮。猶。臘。味。幾。家。絃。管。已。春。聲。從。知。  
淮。北。方。開。府。聞。道。山。東。未。解。兵。獨。有。解。人。林。叔。子。能。持。杯。酒。慰。幽。情。

書感二首

讎。除。綺。語。感。生。平。誰。識。臣。心。似。水。清。怪。底。孤。山。林。處。士。梅。花。不。賦。賦。閒。情。  
移。山。敢。矢。効。愚。公。學。畫。蛾。眉。恐。未。工。蘭。芷。同。根。春。不。管。含。情。我。欲。問。東。風。

夢醒

朱顏憔悴淚輕彈。夢醒偏驚玉漏殘。一夜枕衾涼似水。杏花春雨小樓寒。與呂旭初夜話因贈一首

石破天驚見此才。江南重話劫餘灰。鷄鳴風雨燈前淚。不聽胡笳已可哀。過大功坊作

空街雨過一番涼。獨客驅車意感傷。寶髻雲鬟零落盡。路人猶說大功坊。訪胭脂井

六代繁華事已陳。我來訪古一愴神。脂胭井底無情水。忍把江山換美人。題盧莫愁像

美人情性總溫柔。對汝言愁始欲愁。爲語鬱金堂上燕。雙棲莫傍水邊樓。送精衛北上

紅羊劫換又今年。國是憑誰策萬全。吾舌尚存君且聽。中原猛着祖生鞭。

卽席送秋葉歸閩兼示亞子秋陸

草長汀南鶯亂飛。綠波春水送君歸。當筵別有傷心處。酒淚無端欲浣衣。  
鳳靡鸞吡事可傷。有人心緒託流黃。曉風殘月春無那。愁絕人間柳七郎。  
可憐滄海尙橫流。平子何心賦四愁。盼到靡蕪處處綠。與君同上杏花樓。  
杯酒論交胆氣麤。鏡中珍重好頭顱。君看漢幟飛揚日。還記雄談慷慨無。

舊除夕呈貽丈兼柬散原濤園

窮歲祭詩事可哀。却從滄海首重回。艱難時局棋千劫。寂寞流光酒一杯。野老  
猶行秦代臘。胡僧莫話漢宮灰。明年珍重東風好。草綠天涯春又來。

贈馬君武

海內方多事。艱虞屬使君。獨存蘭杜性。漫逐鳳鸞羣。危論天爲泣。英材世所聞。  
蛾眉謠詠易。好誦楚騷文。

寄亞子海上卽題其磨劍室詩集



刺船海上得吾師。觀面翻嫌相見遲。水是閒愁花是淚。寫來迸作斷腸詞。

春盡日出金陵

衰柳連城接暝烟。夕陽花外不成妍。青山過雨晴逾好。戰壘經春草自芊。轉眼兵戈紛萬變。疚心黨籍要重編。竭來閱盡中原事。三過金陵一惘然。

十年一首寄鎮潮

十年微抱憑誰說。此意能銷亦已癡。漸覺世情如轉燭。真成心緒似彈棋。迴風大海春無力。落月空梁夜有思。孤負故人無限意。玉璫緘札枉相知。

春盡日得東生柬却寄

送盡行人却送春。故園誰與寄書頻。文簫縱許偕靈運。玉鏡終妨下太真。掬盡臣心原似水。懺餘慧業漸如塵。千言萬語渾閒事。對汝言愁意已辛。

不信一首

不信風波有閉門。春殘黯盡落花魂。殘燈獨自成惆悵。幽夢重衾取次溫。

卽席送仲挺之日本

春已銷魂况別筵。夜闌重話五年前。死生契闊無窮感。何處相看不可憐。  
碧玉春流小荔灣。一尊強爲破愁顏。明朝酒醒人何處。送汝青青海上山。

贈人四首

歸夢春潮逐漸低。却從閩海話巴黎。雨過戰壘花猶怒。草長蠻荒鳥自啼。國故  
將亡供一歎。時艱莫補敢重題。西方憶否榛苓好。倘羨玳梁燕並棲。魏子杞

事本難言賴有詩。相憐海燕影參差。爲誰春水頻吹皺。似此星辰幾換移。落窠  
有懷嗟鳳德。詠謠無計慰蛾眉。散花苦向諸天問。此意維摩恐未知。林知淵

十年摩劍作龍吟。贈汝惟餘荊軻心。直以風雲窮萬變。欲迴天地入孤斟。羣公  
請勵登壇志。吾輩能爲變雅音。此去先鞭君猛着。中原頗牧好追尋。蘇幹寶

閩士如君尙可親。憑將倦眼閱風塵。大難詩亦銷人意。約略文應見道真。海尙  
橫流天已厭。世方爭利國猶貧。脫驂贈策非吾分。絕筆何因更泣麟。柯紹庭

哭彭席儒

九死英魂恨未休。一錐至竟報韓仇。霸才不死天終妬。失笑君看鏡裏頭。

和笠雲學詩一首

但得神完亦已足。時無李杜定誰師。心機果細應如髮。骨格能清不在肌。絃外審音吾所佩。閒中得趣子能持。要將綺語刪除盡。澹寫風懷寄遠思。

臨淮將軍相見京師索詩爲贈

一戰堅城拔。將軍信有真。憑誰開鐵鎖。競欲錫銀麇。功罪天難問。春秋義自申。邊氛聞正惡。仗汝絕胡塵。

溥泉約同子超韻松遊石鼓山余以事未往

平生說鼓山。不識茲山面。萬里客歸來。駕海同請見。買棹弄江水。決去胡未便。崑峨疑可卽。飛雨遞隱見。一白盪虛空。寸碧射芳甸。安得窮壯觀。攬勝細與辨。清游棄堪惜。光陰逼露電。雲山自古今。人事有萬變。臨風相繾綣。念茲淚如霰。

冥契託遙岑。投詩謝諸彦。

春日遊三貝子花園

嫩涼池館籠輕陰。未及花時試一吟。過雨杏林紅稍稍。藏春蘭徑綠深深。勝遊不分成孤賞。幽怨遙應共此心。歸路懸思人境外。痴雲如黑晚鐘沈。

芳辰

衣香曾惹兩京春。今日梅開認戰塵。倚笑差憐蛾黛媚。埋憂稍覺蠹魚親。朱顏對鏡生遙怨。綠意窺簾作淺顰。一嘆九州關許事。却從鶯語惜芳辰。

哭鈍初

相從患難慟餘生。氣類凋傷黯自驚。一逝倘聞關大計。九幽終覺惜微名。己危國事憑誰挽。未死人心有不平。薦辟苟韓吾不分。却持熱淚慰泉明。君任農林總長招余來京余以事未就媿負故人相知之雅

平情功罪足千秋。噩耗遙傳淚忍收。蘭忌當門甯不爾。鼠驚社果誰尤。芳菲

亂眼春無主。政變寒心死。偷休說與九原應。一慟倚闌白髮正添愁。君有老母健在

鈍初死後過三貝子花園悵然有作

風葉翻飛似早秋。尋常華屋忽山邱。一春孤負園林好。獨往眞成寂寞遊。雲黯車塵迷處所。露零鱗丸與遲留。不須更聽山陽笛。望遠憑高已淚流。

艷體二首

一曲吳歌唱俛俛。愁如春酒更加濃。東家處子三年怨。南國佳人絕代容。江上扁舟搖柳絮。波心雙槳盪芙蓉。不應仍恨蓬山遠。遮莫蓬山隔幾重。西北高樓影已孤。牛憎看碧竟成朱。玉釵羅襪愁多少。月幌雲屏夢有無。玳瑁床空人去後。水晶簾捲燕來初。含情欲寄金條脫。長向青溪問小姑。

寓言三首

姑射仙人不可留。尋蹤待向海天游。願騎白鳳來塵世。欲與東風訴隱憂。情到深時偏似淡。詩當怨處慣言愁。吟成準擬凌風去。一葉飄然向十洲。

神仙縹渺隔雲津。夢裏游仙悟夙因。明月似曾留後約。梅花或恐是前身。但能可意眞佳偶。莫道相思爲美人。一種閒情無處訴。擣瓊成屑麝成塵。末句用陳雲伯成句

天仙疑是許飛瓊。也被凡夫認小名。似我飄零非薄倖。憐渠憔悴太多情。素心人遠書難寄。紅葉詩工句易成。何必金莖能解渴。在山泉水自來清。

無題雜詩

迢遞星潢天際浮。碧城十二隔朱樓。春來春去渾如夢。花落花開總是愁。今夜月明芳草渡。去年人在木蘭舟。雙魚誰爲殷勤寄。玉笛聲聲感未休。

靜對銀荷紅粉零。美人眉黛尙青青。鴛鴦被冷春愁重。翡翠衾寒酒力醒。借得一雙脩月斧。乞將十萬護花鈴。明朝約向紗窗下。鋪紙親摹瘞鶴銘。

最小眉彎未解描。乘槎有約趁來潮。相思樹結相思子。宛轉絲牽宛轉橋。青女雙調銀柱瑟。素娥三疊紫屏簫。銅鋪金井葳蕤鎖。此去天河恐寂寥。

絳蠟燒殘夜五更。大風吹入小紅笙。銅鑲門掩星初墮。玉押簾垂月不明。雙宿

雙棲蝴蝶影。惜春惜別。鷓鴣聲。寄言南去瀟湘客。憶否江干相送情。  
峨峨宮髻尙垂鴉。雙插金釵兩鬢斜。環佩丁東。銅漏滴。闌干。屈曲玉櫳。遮風搖  
綠。剪階前柳。月暈紅消鏡裏花。底事千卿腰瘦損。暗將錦瑟數年華。  
坊南便是舊兒家。有約同停七寶車。碧玉樓中飛孔雀。綠珠江上落梅花。枇杷  
門巷紅襟燕。楊柳亭台白項鴉。好月不圓空永夕。水心亭北正琵琶。  
玉虎絲牽惹恨長。瘦腰誰似沈東陽。相思一夜紅桐冷。懸想三冬綠雪香。祇有  
鯉浮碎錦井。更無人憶鬱金堂。爐薰寶鴨香難燼。莫便閒情自主張。  
乘風直到斗牛宮。省識藍橋路已通。梧葉雨添眉黛翠。藕花潮暈臉渦紅。蓮心  
清似湘妃水。蘭息濃於美女虹。天上仙桃應有種。偷來人世可能同。  
個儂有甚未開懷。想是移情絕代佳。一夜魂銷連理袒。連宵夢憶合歡鞋。蟾蜍  
弄影。隨團扇。鸚鵡傳言。記曲牌。愁煞水晶屏下立。夏蟲飛上紫金釵。  
金閨獨處曉寒侵。昨夢迷離何處尋。蝴蝶圖成還綴句。鴛鴦繡罷欲停針。東風

不管人憔悴。春水應知恨淺深。聽得絃聲三四響。隔牆誰弄落霞琴。

次韻和程鳳笙春懷四首

匝地棠陰倦欲眠。鶯飛草長碧雲天。千絲愁緒團成絮。萬種情苗化作田。彩蝶  
雙雙應解意。黃鸝語語似談禪。鞦韆院落門深鎖。芳信誰教鸚鵡傳。  
雕欄斜倚任風吹。蓬鬢惺忪漸似絲。檻外碧桃千萬朵。庭前紅豆兩三枝。昨宵  
曾解珊瑚佩。今日難填荳蔻詞。瘦盡腰支渾不管。臨風惆悵知何之。  
猛憶垂楊綠滿堤。誰從堤北望樓西。重來崔護腸應斷。前度劉郎路恐迷。日暖  
有人調錦瑟。晝長無夢到香闈。閒情幽怨都難遣。那更頻聞杜宇啼。  
便抱秦箏可奈何。朱絃彈破恨偏多。小庭閒譜清平樂。日暮關心子夜歌。重疊  
青山凝淺黛。縈洄綠水注橫坡。相思不見愁無那。忍覩啣泥燕子過。

次韻和季鴻表叔花魂原作

徒留青冢葬殘香。極目平蕪惹斷腸。落葉秋風思季后。微波湘水弔娥皇。斜陽



滿。地。人。何。在。冷。露。三。更。汝。獨。嘗。想。像。小。闌。十。畔。影。生。綃。一。幅。畫。啼。妝。  
 鶻。聲。猶。似。馬。蹄。驕。蝴。蝶。也。隨。纖。影。飄。感。我。無。家。愁。欲。絕。思。君。不。見。恨。難。銷。幻。來。  
 恐。化。莊。生。夢。颺。去。疑。從。宋。玉。招。處。處。靡。蕪。空。悵。望。月。明。還。憶。卷。簾。朝。  
 休。論。燕。瘦。與。環。肥。舊。事。尋。思。祇。掩。扉。夜。夜。深。宮。啼。鳥。怨。年。年。絕。塞。旅。鴻。飛。蛾。  
 巷。口。蹤。誰。記。燕。子。樓。頭。事。已。非。何。日。踏。歌。楊。柳。岸。金。樽。檀。板。待。春。歸。  
 銀。燭。多。情。照。鏡。臺。滴。殘。紅。淚。半。成。灰。依。稀。玉。樹。燈。前。立。彷彿。金。蓮。月。下。來。萍。梗。  
 生。涯。無。可。懺。清。明。時。節。最。堪。哀。不。知。春。夢。醒。猶。未。寄。語。東。風。仔。細。猜。

聞精衛將有粵行作此寄之

移。山。敢。矢。愚。公。志。填。海。終。輸。精。衛。誠。熱。血。一。腔。無。死。所。下。泉。三。嘆。有。生。平。淮。陰。  
 歸。漢。吾。何。與。隨。季。辭。秦。眾。所。驚。去。去。啣。哀。相。爾。汝。忍。教。風。雨。感。鷄。鳴。

送胥生北上

一。夜。寒。潮。歇。浦。生。催。歸。莫。更。數。歸。程。春。如。送。客。難。為。別。雨。亦。留。人。不。放。晴。琴。裏。

無心桐半死。酒邊有淚雁孤征。已憐勞燕東西去。怕到河梁訊子卿。

同羽霄登烏石山絕頂

曾欠山靈一諾來。天風吹客上高台。四圍嵐影送流水。二月春陰聞怒雷。亂後人家成落莫。眼前世事雜悲哀。共君無限登臨感。閒別殘碑取次猜。

白下晤梓琴喜贈兼示覺生瑞星

劫後相逢感有加。舊時燕子入誰家。亡秦已信由三戶。胡越何緣是一家。新進爭陳婁敬策。故侯漫種邵平瓜。羣公袞袞吾誰與。戮力神州莫歎嗟。

夜閱紅樓夢小說得二十八字

燭暗無人會斷腸。癡兒說夢恐荒唐。紅樓與汝干何事。惹得愁心爾許長。

絕句

高柳籠篁路。涼蟬報早秋。客懷孤閣甚。一夜過南樓。

九日江亭同風持

刻骨江亭入酒悲。好懷銷盡費維持。風高便有重陽意。雨了偏於晚綠宜。已分林巒吾自得。稍傳文字世猶疑。破閒索共僧寮醉。循例窮秋合有詩。

秋夕有作

病葉經霜各自妍。坐深寒意入眉先。暫時蕭散差耽酒。微抱嬋娟不礙禪。詩夢潛隨風幌亂。秋心擬逐電燈圓。十年一念銷難盡。獨對黃花更惘然。

斷夢

斷夢分明失舊痕。鸞吡鳳靡幾朝昏。水西呼枕猶能記。一樹籐陰綠到門。

徐園回鎮潮

夕陽無語送黃昏。健步來尋徐氏園。亂石依山蟠作徑。暗雲覆樹遠成村。閑懷漸覺逢場減。負手真成避世喧。差可清游同一默。萬千情緒總難言。

鎮潮爲余製菊花茗碗令作詩題其上遂成五十六字

淡到無言怨可知。孤芳入世更多姿。相驚冷艷誰真賞。賸覺清香要自持。老圃

人非秋去後。東籬夢遠恨來時。卷簾乞與西風便。莫遣繁華隕故枝。

新猛近稍習詞章詩以勉之並要旭莊四丈同作

少年縱筆莫辭頻。要共叢殘日夕親。儷白妃青從檢點。咳珠唾玉定紛綸。煙籠寒水憑誰唱。山抹微雲待汝陳。新猛爲壯令坦賸遺詩篇通性命。江天乞與苦吟身。

東樊山

平生愛讀樊山集。九死甯期竟見君。便着黃冠思入道。可容白袷坐論文。新巢鸚鵡應猶哭。舊邸琵琶更不聞。絕羨江南徐騎省。詩心閒共定香薰。

示賡恭

解道憐才汝最真。評詩問字亦何因。春風燕子尋常見。今日謝家大有人。

知淵訥安合造一象使余題之

百戰歸來脫此身。死生契闊意酸辛。霸才未死天休問。來日難言國有人。已遣鳴笳愁北戍。謂北方兵燹事可堪聞笛愴西鄰。謂覺民瘼心等延津雙劍今朝合。莫漫憂時嘆

積薪。

將歸閩留別志可菊吟叔永新猛諸子

芳草天涯怨路遙。尋常小別亦魂銷。春風無限青青柳。不與行人鬪舞腰。  
啣泥海燕費經營。何日玳梁築始成。莫向樽前歌水調。此行不爲故園情。

贈汪笠雲

日下相逢拂袖來。雄心莫便委蒿萊。時艱無補難爲用。年少能狂亦可哀。儻父  
何人譏我拙。知交幾輩讓君才。會當走馬平胡虜。大漠塵區取次開。

文相國祠題壁

經過憑弔酌芳樽。丞相祠堂終古存。北地有人哀故土。南朝無處哭忠魂。八千  
里外孤兒淚。三百年來養士恩。社稷天亡臣死節。可憐承旨舊王孫。

感懷

酒酣拔劍氣縱橫。不學窮途玩步兵。萬里關河雙鬢短。十年湖海一身輕。哀時

涕。淚。狂。猶。昔。亂。世。文。章。負。此。生。怪。底。中。原。豪。傑。少。紛。紛。豎。子。盡。成。名。

聞箏

春風又是杏花天。何處銀箏擾客眠。腸斷江南今夜月。指尖彈冷十三絃。

舟中作

漲添畫舫流紅葉。水繞清溪似碧潭。兩岸鷓鴣雙槳雨。落花如雪過江南。

秋葉詩選

林之夏字秋葉福建閩侯人今錄詩二十九首

春晴登西園亭

聽風聽雨過清明。柳欲成陰花滿城。湖海情懷空旖旎。雲天涕淚獨縱橫。酒家木末青旗近。游騎江頭白袷輕。短後明朝當試馬。平蕪盡處可聞鶯。

病起

江南搖落所思深。病後消磨入短吟。未老先遭妻子厭。淡交漸失友朋心。庭梧

欵枕三更月。梁燕垂簾十日霖。弔古傷今自無計。高歌聲裏淚沾襟。

高軒過

春風城闕金陵柳。浮海南來家入口。負郭能容旋馬門。過門不入當年友。十載雲天莫逆交。一起冰炭平生守。憶余早歲遊南都。頭角崢嶸意氣粗。捫蝨劇談當世事。竟傾江左管夷吾。從此中原入期許。幄帷携手籌軍旅。劉琨共枕戒聞雞。元直登堂常作黍。是時鄧禹最少年。揮戈草檄俱無前。何期開府換連師。寥寥杯酒歸兵權。江南羅織方鈎黨。青燐碧血東西廠。望門投止我不才。君獨聰明避失網。雞蟲得失究何常。風雨起居勞夢想。長厚待君君胡爲。君且如斯他可知。山陽聞笛人天淚。萬種淒涼待語誰。乾坤變盡風雲色。人心方向仍難測。十年湖海俠游多。狗盜雞鳴不可得。而今憔悴臥蓬茅。恩怨情讎一例拋。王霸妻兒甘隱遯。東坡兄弟足詼嘲。何必鄭莊勤洗沐。好賢置驛長安郊。

水災哀災民

爾死誠何惜。誰歟死爾躬。不堪飢作崇。奚以蝨如蟲。教養天淵去。身家溝壑終。陸沈消息外。爲爾感無窮。

脈脈

脈脈又銷魂。世途甯足論。誰懸太守榻。肯掃舍人門。歸路江山死。天心冰雪溫。憤時吾有過。君等更何言。

行路難

天災人禍酷摧殘。伏莽江湖瀾益漫。山復山兮灘復灘。不能乘風驂鳳鸞。河冰十月裂膚寒。百里千里謀朝餐。行李妻孥不復安。長途落日迫虞淵。關隘蕭條兵力單。昨宵縣治方戕官。道梗如何計生還。出門無車渡無船。噫吁嘻兮行路難。

少年憤慨走南北。遠事功名近衣食。關河羈旅度華年。青袍悽黯風塵色。故園債主苦追呼。謂汝富厚且通籍。浮躁既來父老訾。繫援當受親朋役。豈知負郭



尙無田。徒以浮沈避羅織。嗚呼羅織窮編屢。親舍白雲歸不得。

束髮誓向君。與君同生死。轉眼君向人。前言猶在耳。而我殊癡騃。信君徹終始。棄我乃在君。世事安能擬。遙知海內多男子。奇俠輕生爲知己。我獨胡爲困於此。心膽皆寒長已矣。

郤超入幕賓。韓信登壇將。吐氣無古今。行年方少壯。諸侯締朋交。薄海傾聲望。因茲重期許。勢位召疑謗。一夢落江湖。萬緣盡頽放。秣馬長出門。路阻不知向。吁嗟乎。南走越。北走胡。胡越一家將。何如宅邊學。種先生。柳江上。遍生窮。十蘆丈夫。成年不作。達俯仰。無端有家室。嘔血難。湔附骨。疽到死。春蠶絲不脫。古人曾見燔妻子。公義私情了如此。何如嫗煦問飢寒。何必顛倒同悲歡。大家羨作團圞頭。不成歡喜成冤讎。

留別亞子

熱淚無方灑。幽憂與子同。海天今又別。魂夢永相通。故國牽黃狗。空山射白虹。

綺懷期自遣。眠食慰東風。

贈友

傾城獨立嫉蛾眉。舊里長干好女兒。記得簸錢時節近。青溪同拜小姑祠。蹇修爲繫合歡囊。裙帶箜篌密字藏。一自蘼蕪飛破鏡。楚天雲雨夢荒唐。倚竹吟螭翠袖寒。慣將秋扇泣羅紈。未央歌舞新承寵。奉使生憎賈佩蘭。

送太素回閩

秋風回首太平門。寒雨荆榛戰血痕。收拾鞞刀侍妝鏡。英雄兒女總銷魂。湖山秋早送君歸。羸馬西風酒滿衣。懷袖餘香歌一曲。天涯腸斷雉朝飛。衡宇相望鎖寂寥。劫灰如雪酒如潮。不知天保城邊路。更有何人話六朝。感觸無端忽爲君。霜清笳吹徹宵聞。從今不射南山獵。誰識郵亭舊將軍。

幹寶到杭之翌日適余生日同泛西湖家人從焉

省事仍嫌歲月侵。故人萬里肯相尋。才經論世相青眼。交到忘形祇素心。何日

扁舟同卜築。他年杯酒記題襟。林逋蘇軾俱名世。指點湖山感慨深。湖濱多偉人墳廟

十霜前夢記能真。繞指金剛百鍊身。戎馬頻年期息壤。風塵隨地有迷津。頭顱無恙天留我。心膽皆寒事望人。一慟昭陵功罪了。微軀倘作太平民。

乘興清遊雨轉晴。波光嵐翠畫分明。縱橫隄樹橋門曲。南北山雲輦道平。湖牒小如兒女分。村醪濃上主賓情。應憐潑刺鮮魚美。旅食新傳宋嫂羹。

髮根未燥妄論兵。歸宿方知錯鑄成。不世功名原有幸。偷來富貴頗能輕。干戈聚散關興廢。風雨悲歡入送迎。時事艱難年事易。與君同負戊寅生。幹寶與余同年生

贈友

大陸龍蛇大舞臺。強權鐵血不須猜。勝朝前事都休問。赤手乾坤締造來。

金陵過頌亭故宅

漫論黨見與兵爭。雞黍登堂舊弟兄。門巷依然人不見。一塘春水碧無情。

莫愁湖

美人遲暮誰容悅。蘭芷秋江祇自芳。無數南朝新樂府。千秋獨唱鬱金堂。  
事功却後一微塵。着手輸贏總認真。何必私爲湯沐邑。黃金寸土屬齊民。

杭州寒食步萬松嶺有懷

城市雜囂塵。簿書日旁午。歲月既蹉跎。形骸復困苦。今辰風日佳。散步天吾予。  
披圖識途徑。輕裝便步武。獨出清波門。左轉初里許。草舍蒼城闥。數家自園圃。  
桃梨間作花。紅白嬌欲語。客子愛韶華。行行爲停佇。行行復行行。山路寬以平。  
再登萬松嶺。湖山相送迎。路旁多荒塚。節候及清明。居人紛祭掃。使我空復情。  
盡室客杭州。有弟羈北京。故山無麥飯。夜室餒先靈。近寄友人書。卜築謀金陵。  
胡爲輕舊鄉。鄉居不得甯。羣盜剽如毛。雞犬爲之驚。鄉愚好爭訟。朝夕譁門庭。  
欲求無擾累。其勢有不能。所以寄湖海。俯仰待時清。今日空山路。徘徊不忍去。  
芳草綠年年。游踪若飄絮。寄食慙自存。登高竊能賦。既後古人生。須知當世務。  
十載棄身家。一官繫黨錮。日月復光華。菜根返寒素。將軍下揖客。末席羅頑固。

得此良辰游。能感并世遇。斜照散春芳。橫烟暄晚渡。行人近。有家我獨歸。何處天地一。遽廬抒懷得閒趣。

示亞子

罵座於今氣尙粗。酒邊涕淚照西湖。雲天雅量欽羣子。鐵馬煩憂恕匹夫。阮無心爲白眼。曹彰有傳故黃鬚。罪言的歷胸頭血。舊國殘春叫鷓鴣。

爲不識題令祖禮林先生遺像

棗萼光輝映後先。湖山肅穆此香傳。關河簪笏思楊震。道路烽烟拜鄭玄。文獻足徵餘燼在。耕桑無恙難民遷。于公陰德聽絃誦。高大門閭望後賢。

爲和甫白丁竹林題風木盒圖

兩度西溪約未成。雲天何處拜先生。子門鄴架吾來晚。風木蕭寥萬古情。

蔣山詩選

蔣信字蔣山福建閩侯人今錄詩二首

餞除

多少人家列餞筵。韶華已老亦愴然。却因去日無佳日。莫負來年恰盛年。守夜  
不忘循舊例。憂時強半尙酣眠。留將統曆編推表。喜聽雄雞唱曉天。

元旦

又從舊曆話新年。霽日微雲曉海天。南北一家成組織。軍民萬劫解顛連。看他  
應運興龍虎。笑我忘機愛石泉。鏡裏鬚眉猶健在。春風生怕聽啼鶯。

穉蘭詩選

陳光譽字穉蘭福建長樂人今錄詩五首

杭州贈別亞子

相見難爲別。深情待若何。送君從此去。離思暮雲多。

題亞子分湖舊隱圖

苔溪竹塢夢菰蘆。雨笠煙蓑幾釣徒。風景依然人苑在。不勝惆悵畫分湖。

桑梓桃柳變幻殊。浮家泛宅亦踟躇。此邦信美非吾土。辜負湖山似畫圖。  
一綫斜陽萬里天。登高望遠意茫然。蘆花梨里依稀夢。尺椽頭醉欲眠。  
簫心劍氣總鍾情。壇坫流傳領袖名。天下英雄寥落甚。豈容鄉里誤平生。  
荷公詩選

丘復字荷公福建上杭人今錄詩十一首

社友蔡子寒瓊于京師得郭頻伽手寫徐江菴詩卷馳書告柳亞子亞子  
將以家藏別本江菴詩廿餘首合謀付梓徵同社題詠爲賦三絕句

靈芬手寫江菴集。自付雲璈已渺茫。百二十年重出世。賞音今遇蔡中郎。  
題序湘湄更鐵門。一編銷夏載樛園。鴻文自有神呵護。想見龍蛇落筆痕。  
鄉邦文獻喜如新。好事屯田有後人。畫幅平分詩合刻。不妨散作萬家春。

送春四首乙卯舊曆三月作

大事已隨春送去。寧爲秋殺莫春溫。人間久被和風誤。眼底今無好景存。風

飄搖增別感。河山錦繡欲離魂。酒杯以外皆愁物。且對殘花盡一樽。  
春盡中原生氣索。愁心似海更添波。郎當滿地花無主。老大傷心夢有婆。鷓鴣血  
模糊。亡國痛鳩居。蠻橫去聲佔巢多。鄰家餞別方歌舞。我自殷憂涕淚沱。  
錦簇花團美少年。丰姿瀟灑竟垂涎。東牆流眄時窺玉。北里纏頭大索錢。密約  
喃喃三月久。專房赫赫六宮先。春風一度銷磨甚。斷送精華劇可憐。  
東風無賴太輕狂。放膽穿簾更入房。滿目飄零飛絮亂。驚心狼狽落花忙。宜春  
怕見泥金帖。駐色曾無李酒香。獨有卷菴心不死。移根多種曲闌旁。

寄曹耐公汕頭

故人閩海別。瞬息經三霜。相思渺無極。各在天一方。今年秋風來。鴻雁南邊翔。  
咫尺鮑浦地。音問殊渺茫。昨日嶺東士。運動高會張。驅車賦行役。觀者如堵牆。  
我來寓林園。主人語能詳。相訪兩相左。隔閩同重洋。尹邢非避面。孔陽豈瞰亡。  
一夜不成寐。倚枕空徬徨。明朝重走謁。握手登君堂。愴然話往事。感喟生中腸。



憶昔紀元初。同登傀儡場。滿地皆瘡痍。當道多豺狼。環視民疾苦。隱痛背刺芒。  
銳志謀興革。建議關梓桑。共事八月久。意氣何激昂。省會一朝別。南北分道揚。  
我免仍株守。君馬益騰驤。國會初開幕。黨爭正蜩塘。蛇神復牛鬼。菅蔽並童蔭。  
愿者畏賈禍。緘口同結囊。黠者逞雄辯。信口徒雌黃。公理久不伸。正論亦難昌。  
耐公胡爲者。言事獨慨慷。一醒處衆醉。人反笑君狂。議瓜鬪驪山。築室謀道旁。  
錯聚九州鐵。邪憎一角羊。物腐乃蟲生。元氣從此傷。燕趙多健兒。露刃何披猖。  
梟鸞同見逐。玉石俱遭殃。劇場曇花散。丁鶴還故鄉。惘惘出都門。瘦馬偏斜陽。  
讀君別後詩。大聲震屋梁。驕人枯骨勁。歷劫頭顱強。嫉俗語多憤。憂國心難忘。  
我亦傷心人。哀時多不祥。百憂日叢集。遐想思逃荒。求交古劍古。託興香奩香。  
鬱鬱信陵醇。娥娥邯鄲娼。有花且相賞。有酒莫辭觴。時事不過問。大夢酣黃梁。  
不知有漢魏。直欲齊彭殤。問君意云何。一笑聊徜徉。秉燭且夜游。呼童典鷓鴣。  
携手登高樓。美人正華妝。珍羞雜羅綺。絲竹間笙簧。罄此一樽酒。如對千頃汪。

別夢猶依依。感君故意長。作詩聊寫懷。仰視天蒼蒼。

遷居之夕被竊有作

繫予有先廬。不足庇妻子。新構兩三間。遷居今日始。何來怯篋兒。眈眈實虎視。一帳廿餘年。老妻常御此。一枕酣黃梁。老夫得安倚。一掛雖稍新。亦已補綴矣。池魚更殃及。有客雙布履。所值能幾何。數千錢而已。失物不足惜。所惜在蘭芷。枕中秘鴻寶。千金易一紙。詩文萃名賢。手札出知己。將去亦何用。一例付流水。得失固有數。此恨徹骨髓。叔季世風薄。匪僻寡廉恥。上已無教育。下不習正軌。國民生計艱。澆薄伊胡底。用此心煩憂。何術以消弭。

舊除夕

少壯雄心百不然。催人老去漸華顛。不知今日爲何日。纔過新年又舊年。俗以新曆  
年關爲過新年 避債有人登帝殿。欠債者除夕避債謂之做皇帝 授時無術奪民權。改曆四年舊曆爲過舊年  
舊曆政府不能干涉也 山居未免聊從俗。也把宜春帖子懸。

丙辰元旦

舊曆山村紀丙辰。東溪溪上歲華新。人家挂像風猶古。族姓團年俗尙醇。釀酒未捐聊取醉。校書成癖不嫌陳。西南翹首風雲急。只恐神龍莫化身。

潛廬詩選

丘翊華字潛廬福建上杭人今錄詩三首

春日卽事

雨中獨坐滌塵思。心地寬閒只自知。座有遺編堪晤對。名賢如見是吾師。春寒多雨暖多晴。時雨時晴百物生。極目天涯芳草遠。艷陽天氣十分清。

自訟

宣尼聖者徒。猶言內自訟。望道若未見。隱慝如負重。是非抉分明。心毋爲霧縹。良以禔吾躬。精力貴實用。隨時可遷善。改過莫夢夢。叢疚在一身。禍胎實先種。嚴察決去之。志氣勵奮勇。逸豫必遭殃。致福在震恐。敬肆方寸間。視聽與言動。

擾擾混塵埃。訾尤積已冗。庸流愈趨下。內省胡不竦。惡人能齋戒。不帝可事奉。超然悟俗非。道宗孟與孔。

幹寶詩選

蘇南字幹寶福建南安人幹寶軍人而能詩民國五年余隨秋浦巡視閩海至于泉州有軍人來謁余退入幕中而聆其談論頗有翩翩儒者之概退後余索閱名刺乃知卽幹寶也未得一握手惜哉今錄詩十首

春望寄秋葉

江海千重路。雲天一片情。相思似春草。到處自然生。

曉發鴉鴻橋口占

曉發鴉鴻橋。塞上一片霜。駿馬鞭不前。蹀躞嘶路傍。

滬上逢林知淵口占

知淵激戰漢陽身。被數創垂斃。移醫滬上。余適南下。見之憮然。

辭家殉革命。一意扶平民。不死廣州城。幾死漢水濱。烽雲蔽霄日。愛國不愛身。鎗林彈雨中。白馬與黃塵。一彈詎自知。二彈忍弗呻。三彈貫胸脅。漬血濡左鈞。衆軍覺慘沮。目瞑氣猶噴。死固非顛息。生亦良苦辛。傳聞已議和。所志諒當伸。白髮日倚閭。殘體勉自珍。解衣露戰瘡。惻惻悸我神。

松亭學長歸自金陵縷述攻寧戰事并索贈言

北軍佔漢陽。勢欲下武昌。紛紛五色旗。欲展復卷藏。鐵張踞金陵。其勢方披猖。鎮江一旅誓光復。萬人一心合海陸。烽火連天照寶刀。天堡城頭鬼夜哭。金印親攬持贈人。旌旗又向淮徐逐。江寧一隅何足論。燕山勁敵如雲屯。擒賊擒王古有訓。合乘破竹向平原。痛飲直抵黃龍府。舉手招回黃帝魂。血戰男兒完天職。河山一笑還民國。邀賞論功詎不歎。馳盡屬三軍力。敢作功成身退心。建設武夫或未識。行將結宅閩安滄。松亭故宅栽柳種瓜聊自怡。海上潮清山月白。君若閑時來說詩。馬革餘生今何夕。把袂使我仍驚疑。簾前夜深寒雨止。丈夫豈

不。當。如。此。見。說。三。邊。還。進。兵。內。亂。紛。乘。猶。未。已。慷。慨。期。君。千。載。前。前。途。勉。爲。蒼。生。起。

### 讀兵書

十年慕矜博。萬卷無一記。實用不在多。近漸通此意。孫吳諸大家。反覆說仁義。用殺以全生。立語何精粹。古今數百家。著論莫稍異。東西諸大家。新巧靡不備。兵家所必知。未是兵家秘。鄙性豈迂遠。好據人遺棄。把玩恆有得。自覺長其智。晴窗一卷書。長日三數字。

### 覆簡

萬里緘書費怨尤。人心變幻亦何由。十年左肘黃金印。大有公平在後頭。

返下游編練土著。兵臨發秋葉。知淵昆仲追送江干。慙然有作。

戀戀大江側。感君弟與兄。國權今屬我。廟算可無兵。送別人將老。所期業未成。躊躇拊長劍。何日答生平。

宿洪橋別墅

燒殘銀燭翠簾前。水竹風多夜不眠。起望碧江一痕月。螺山影裏樹如烟。

從軍別圖

戀戀兒女情。嗚嗚丈夫志。去去漫回頭。望望猶含淚。

海上對月與顧子同作

茫茫天海月輪明。俯仰誰喻此際情。大地虛涵微有影。狂流奔激是何聲。望洋易使同舟怯。滯瘴難期去路清。太息中宵風露緊。寒衣親製未曾成。

南社叢選

詩選卷六

涇縣胡韞玉樸安選錄

弘一詩選

李息字叔同直隸天津人爲僧號弘一今錄詩一首

春遊曲

春風吹面薄於紗。春人妝束淡於書。遊春人在畫中行。萬花飛舞春人下。梨花淡白。菜花黃。柳花委地。芥花香。鶯啼陌上人歸去。花外疏鐘送夕陽。

中壘詩選

白炎字中壘直隸宛平人今錄詩十首

游仙十首

上清淪謫幾由旬。羅襪凌波豔雜濱。六甲靈飛驅虎豹。五辛珍脯擘麒麟。分封香國恩原薄。沈醉鈞天夢未真。誰寫太平寰宇記。瑤池昨夜駐金輪。



五銖嫌窄六銖寬。騎虎分明似彩鸞。留珮人隨雲鶴去。乘槎客犯斗牛寒。悔從  
月姊偷靈藥。終讓花王冠牡丹。解釋婉姸無限恨。鍊方還乞息肌丸。  
神山采藥獨歸遲。海氣金銀儻見之。誰爲眞靈圖位業。却憑魔女鬥腰支。調停  
嬰姁參同契。辛苦羲和怨異時。可有長房能縮地。九天笙鶴費相思。  
獵獵天風下五羊。羅浮歸路月昏黃。星辰上界猜河鼓。雲雨空臺送楚襄。守鶴  
尙留華表柱。驂鸞新點步搖粧。披帷約略如花眷。多恐傾城在北方。  
三教珠英着意脩。劇憐控鶴不重遊。莊嚴樓閣疑雲幻。縹緲塵寰隔霧愁。墮瓦  
夢驚金彈子。渡河曲惱玉篴侯。上京涼露今宵重。爲語黃姑一葉舟。  
蠶絲束縛致纏綿。解脫休誇道力堅。戲玉尙疑霓羽散。流金先奪火鈴圓。魚龍  
海外都旁聽。雞犬淮南忽上仙。春色飄零商女怨。迎神偏奏送神絃。  
西來素女說長生。先駕輜軿問老彭。豈有乘戈能和曲。且携子晉共吹笙。望城  
拔幟張詩敵。促座藏鈎禁酒兵。十二洞天幽邃境。棲眞應不羨蓬瀛。

江湖底事弄潺湲。弱水曾經便是仙。珠海騎鯨凌月上。銀河駕鶴落星邊。商量寶籙。今何日。塗抹簫韶舊。若烟。誰語畫樓秦弄玉。駐顏蕭史尙華年。微波渺渺暗通詞。誰識甄妃薦枕時。香夢惺忪胡蝶幻。春光漏洩早鶯知。似聞鈿盒藏花勝。付與鋼刀斷藕絲。畢竟蓬萊無分到。嫣紅零落最高枝。三年憔悴鳳皇笈。忽返青冥擁翠華。紫玉魂消韓重宅。綠珠恩斷石崇家。慵粧墮馬晨窺鏡。鎖骨飛龍夜鍊砂。孔雀東南無信息。等閑開徧十洲花。

秋陸詩選

景耀月字秋陸山西河東人今錄詩五十二首

無題八首

苦憶無端又幾年。碧欄悵望月嬋娟。紅箋珍重一千字。錦瑟飄零廿五弦。蟾鑠雙鈎情宛轉。龍鬚八尺恨纏綿。春愁深淺無人識。徒倚東風問杜鵑。手綰游魂夢正濃。血猩紅染玉屏風。自尋瓊果三千歲。家住碧城十二重。夜過

闌珊吹月露。天教管領倦鸞龍。瑤池阿母知何處。海水枯時。幸一逢。  
相思欲灰寸寸添。月痕叱出海紅簾。如環愁緒憑誰解。似縷情絲。莫亂箏自譜。  
闌勾成河滿。親填別恨授江淹。玉璫緘札珍如命。青鳥殷勤爲口銜。

晚。晚。年。華。總。自。悲。羅。巾。淚。盡。已。如。癡。一。釵。一。佩。都。無。著。入。夢。入。魂。繫。所。思。多。厲。  
春風狂似剪惱人心緒亂於絲。年來樓外人如海。玉立亭亭悵望誰。  
幽怨遙深瑣院門。落花啼鳥又黃昏。厭人春夢全翻舊。壓鬢新絲已半髡。錦字  
十行腸宛轉。羅衣一幅淚雙痕。宵風吹墜娉婷影。恨海沉沉合斷魂。

生去玉門莫苦嗟。新詞譜入隴頭笳。扇裁月魄休輕掩。鬢著星霜太易華。冷落  
明妃猶有塚。飄零蔡琰更無家。琵琶愁聽作胡語。環佩垂垂日又斜。  
錦城絲管舊迷樓。風起飛花無那愁。臺上春深猶有鎖。科頭玉朽尙名鈎。生期  
化鶴身方去。直到爲鶻恨始休。金鈿飄雪花。委地蜻蜓飛上玉搔頭。  
泣望君王意轉迷。胭脂井畔月華西。龍髯墮海眞塵劫。雁影橫江尙草齊。親寫。

紅。綃。猶。有。字。手。裁。宮。錦。半。成。泥。行。人。莫。問。金。陵。路。暮。雨。飛。飛。鳥。亂。啼。

答吳門柳亞子

天。未。兩。鴻。雁。江。干。一。好。書。故。人。有。柳。季。懷。舊。在。勾。吳。君。賦。才。如。斗。予。躬。患。所。都。桓。譚。長。不。樂。之。子。近。何。如。

問俞劍華臨淄

翩。翩。吳。季。子。長。鋏。遜。于。齊。別。後。予。長。病。憂。多。君。未。知。懷。歸。調。楚。奏。倚。劍。挽。戎。衣。一。臥。滄。溟。外。秋。深。雁。又。飛。

箕山弔許由冢

自。古。聖。之。清。吾。愛。許。由。子。朝。飲。潁。水。陽。暮。宿。箕。山。趾。風。吹。瓢。動。樹。歷。歷。鳴。不。已。念。此。增。繁。擾。棄。之。如。遺。屣。窮。谷。聞。受。禪。垢。膩。思。洗。耳。感。歎。箕。山。操。哀。音。流。變。徵。我。來。懷。古。意。日。暮。空。山。裏。喬。木。徒。悲。吟。坵。墓。不。踰。趾。山。川。抑。何。崎。瞻。望。窮。萬。里。哲。人。不。可。見。臨。流。空。已。矣。

己酉正月三去祖國舍弟太素踰河送別愀然賦此

風起水縱橫。孤舟出芮城。人聲斷。岸急日氣亂。流明忽念無端事。憂來不可名。輿梁謝戚舊。方寸若懸旌。

至親同父弟。欲別遽不能。念我成長訣。臨河相送行。爾顏一何戚。予痛未能聲。欲說別來事。急流亂我情。

黃流自東去。白日漸西淪。與子成長別。臨歧愴我神。七情不可辨。五內正如焚。送遠終憐汝。慮知秋杜親。

欲行真海角。此別在河梁。骨肉彌堪念。桑榆致可傷。汝聲如哽。啞我馬為低。昂欲竟無窮思。平原下夕陽。

覓路懸萬里。寥天各一方。傷離幾返駕。不渡非無梁。與汝緣枝葉。令予摧肺腸。念將乖比翼。誰喻離鴻傷。

佳人渺天末。君子在河干。已痛無家別。况當行路難。丁時多患難。與汝共飢寒。

慇懃三致意。勸我強加餐。  
惜別將所愛。憂懷往路遙。  
孤雲流斷港。急水帶空巢。  
原上春令嘆。枝間杜宇號。  
欲滯臨風棹。奄忽逝若颺。  
河梁暫攜手。揮淚正臨流。  
弟妹併離恨。山川是昔游。  
我懷傷叱馭。舟子自能泐。  
欲和將歸操。哀吟接暮謳。  
道阻亂人意。那禁涕泗從。  
真成離侶雁。况是雙飛龍。  
書記阿翁授。衣從慈母縫。  
無任生別意。逝水亂東風。  
河邊草長候。陌上花開時。  
脈脈倦游意。綿綿遠道思。  
孤懷成黯淡。河水自淪漪。  
臨別望鄉樹。應知愈益悲。

讀史感言

汗漫學屠龍。絳灌學屠狗。  
屠狗位通侯。屠龍不糊口。  
技故良獨難。龍乃不恆有。  
產單千金資。學逾三年久。  
家室無長物。婦子躬井臼。  
日旰不得食。吁嚙徒引咎。

欲操平生技。無異駢指拇。吳越不習師。空善不龜手。孔甲不食龍。董父呼負負。  
庖丁奏牛刀。羣譁中經首。大嚼當屠門。欲過顏忽怩。世無離婁明。誰能別妍醜。  
欲語世無知。欲校世無耦。過高人不操。秦奇世不受。所學一以失。終身牛馬走。  
右臂忽化彈。左肘俄生柳。智逾樗里疾。勇過北宮黝。祥麟不出郊。威鳳不在藪。  
鳥去悲良弓。棄置如遺垢。子雲太玄經。差足覆醬瓿。班氏兩代書。祇佐讀者酒。  
輟耕有莘老。垂釣渭濱叟。行歌穗盈畦。鼓枻魚在罾。割烹一見要。翻然棄畎畝。  
熊羆一入占。後車載黃耆。冢宰任阿衡。桐宮放元后。鷹揚位列侯。尙父稱元舅。  
甥館瞽叟子。微時祇飯餽。其魚伯鯨遺。菲食伍匹婦。百里食牛相。隨勝備箕帚。  
陳平宰肉夫。終拜曲逆守。淮陰釣城魚。功成垓下誘。樊噲切生蠶。翻碎亞父斗。  
甯戚扣牛歌。相印旋繫肘。翁子掛角讀。忽露懷中綬。雖云生逢時。所遇亦已偶。  
小試或小捷。大鳴成大叩。世爲夷齊解。強云名不朽。槁餓直至今。遑云千載後。  
况復潦倒儒。妄尙西山友。載籍汗千牛。誰辦良與莠。伊呂非爲名。疇能出其右。

庖犧善佃漁。功頌斯民牖。堯舜有羶行。羣黎稱慈母。後王襁褓兒。那辨牝與牡。鼎鑊逾肉林。疇爲桀與紂。况復世已叔。是非孰能糾。文祖不遑食。幽拘翻囚姜。比干懼窮奢。忠諫心旋剖。介子親割股。卮運丁陽九。趙盾不忘恭。還爲契所噉。當時或不直。空云論世取。盜跖屠。肝。黃髮稱上壽。嬴政流人血。歷世握皇紐。楊惲操賤業。酣歌婦擊缶。石崇行劫人。聚財豐如阜。天道無循環。人寧有是。否。胡如覓錢刀。勢位極富厚。服權敬沐猴。言聊學鸚鵡。舉世同一情人。孰噉狗苟。更閱百世下。疇復譏顏厚。青史寂無名。天下知誰某。

送邵質侯歸國和留別原韻

眼中復有幾。君信不凡才。丹鳳翮能健。元龍氣未灰。離憂發變徵。風意正悲回。應見幽蘭泣。芳馨尙草萊。間關長跋涉。客子首如蓬。叔世謀身拙。迷陽悟道窮。羣雄沈霸氣。豎子竟論功。不信觀人鑑。中邊事事同。



蠻荒萬里路。與子幾周遊。生死同憂患。寒溫共葛裘。所懷惟國社。不暇念恩讎。  
蒲柳驚遲暮。飄零我怨秋。  
遼城孤鶴去。送子獨還家。海角飛羣水。天空留暮霞。寸心盟寶劍。別淚在袈裟。  
欲和東山什。滔滔應自嗟。

遠遊

崑崙三萬五千里。帝子西來乘六龍。秦嶽烟雲飛玉座。裊瀛風浪逐行宮。翠華  
芝蓋入離鏡。黃竹白雲定古風。春老灞陵啼望帝。不堪腸斷茂陵松。

落花篇八首

墮地休爲連理枝。落紅狼藉一淒其。芬華璀璨無多日。短命飄零未有期。愁絕  
歲星謫。世後恍疑玉女墜。樓時無端拾得香。盈掬珍護溫柔知爲誰。  
年華黯黯生離思。春色沈沈起暮愁。未許夙根成色相。更無人海足勾留。結香  
冤業隨緣盡。葬玉哀歌匝地周。儻是法身容懺悔。泥封芳骨願無收。

又是合離撒手時。芳心煩惱亂千絲。萬行哀艷別人字。百葉溫文辭世詞。解脫  
幾重出帝網。沈淪多半又泥犁。玉棺親對知何意。瘞入維摩一卷辭。  
人寰誤墮知何世。悔汚明珠自愛身。活色生香原是幻。沾泥落溷太無因。灰埋  
劫後長生字。土蝕前身誓墓文。慘綠愁紅疑有命。謫居猶是玉皇恩。  
飄零畢竟成何事。墮落無因誤夙名。霧鬢風鬟愁出世。金香瑤佩怨今生。儻知  
玉蕊終零露。悔拾瓊芰學種星。欲洩芳懷何處是。靈飛昔昔定無情。  
歌竟八哀淚雨淪。天姿憔悴果何春。曾知星命成前讖。休向修羅問夙因。自悔  
綠章留姓字。才離塵世卽星辰。三生盟願深如海。忍殺人間惜誓文。  
漠漠芳馨百珍重。亭亭根蒂一漂零。恨無眷屬留仙籍。幸有色香在貝經。再世  
華嚴疑入定。當年兜率誤長生。火侵玉籙渾無字。磨滅憑誰記姓名。  
塵海升沈賸一鱗。始從生滅悟前因。仙凡結果知何界。天地埋憂竟此墳。自是  
一兜十劫遍。方知五濁上僊淪。來生便出人天界。願學金剛不壞身。

野冢

我來驅馬北門道。下有纍纍丘與墳。問是誰何遺此墓。欲尋銘誌已無文。朝華時落禽相語。末照西微獸索羣。蕭瑟松楸夾廣路。悲風獵獵正愁人。

對酒歌

鄰家小婦笛三弄。鵝兒春熟香滿甕。呼童重典鷓鴣裘。與君共醉籬邊秋。今年歡會明年老。酣歌歡飲還須早。眼前得意總云樂。身後功名俱草草。况復詩興時猶豪。中間能不置酒瓢。舉頭望天吟且酌。脫口隨風珠玉落。古人一醉安性靈。曠觀天地稱達生。世間萬事一樽酒。人生不飲空獨醒。傾觴頽臥欲忘身。合號乾坤一醉人。酌罷登樓對皓月。狂歌直與天爲隣。君爲長歌我短歌。飄飄韻逐寒月墮。大塊容君復容我。劉伶之鐺阮籍罍。放浪人間曷不可。

次韻黃季剛相思四首座中卽呈陳漢元

神女憑虛若有思。絕高下界頗難知。三星束楚非前事。七寶落梅已後期。星命

夙根疑有慧。泥人狂病忽成癡。四弦臨水泠泠奏。如讀蘼蕪感遇詩。  
列缺投壺信有緣。眼中流電正經天。可憐洛水成坏土。眞惜淮南是散仙。巫女  
行雲非晚暮。姮娥奔月幸華年。書中記事云天笑。只是當時恐未然。  
嚙臂當年底有盟。丹書斜上甚分明。欲攀雙翼天邊鳥。敢質私言架上鸚。命  
留題應有意。初能彈瑟未成聲。星辰明媚飛瓊醉。祇恐心花已怒生。  
麻姑別調不堪聽。悔煞千言注水經。久過不周識海氣。再來南極數繁星。書成  
丹鳳回天變。笛吹赤龍逐浪腥。穆滿不來瑤圃廢。年年風打殿端鈴。

長歌行

浮雲西起何油油。短角哀瑟清且遒。越國女子揚妙謳。脩容流睇照雙眸。含意  
欲伸行且留。賓從雜選多等儔。目成造次非相謀。含宮咀徵何悠悠。手翻白鶴  
妙且脩。揚箏吹律媚箏篴。美姬名伶天上優。一曲商心動九州。再曲百代若蜉  
蝣。天高河漢聲西流。悲風迴地木條條。聲發金石奮歌喉。豪絲悲健不能柔。東

去。行。雲。行。未。休。羽。衣。仙。人。駕。蒼。虬。姮。娥。揮。素。振。高。樓。金。銀。光。氣。難。與。侔。紫。雲。無。縫。等。輕。裘。天。女。下。降。坐。花。毬。凝。停。盼。睐。何。夷。猶。白。駒。駸。駸。逝。不。留。日。中。丹。馬。已。白。頭。繁。歌。綺。舞。方。未。收。四。運。一。逝。忽。若。浮。望。舒。御。月。控。驪。駒。羲。和。兄。弟。馳。八。騶。萬。古。皇。皇。何。所。求。天。高。羣。物。多。怨。尤。孔。丘。夜。起。愁。人。愁。今。年。有。幾。懷。百。憂。早。知。儵。忽。夜。行。游。東。至。無。終。西。不。周。南。浴。丹。淵。坐。赤。流。晞。髮。陽。阿。躡。丹。丘。天。風。動。盪。聲。颼。颼。手。策。赤。鯉。挾。華。輶。天。上。星。辰。拂。九。旂。下。視。齊。州。若。廣。湫。崑。侖。梁。父。等。浮。甌。餐。霞。漱。溼。壽。千。秋。世。不。求。仙。何。所。繇。

擬庾開府對酒歌

三。秀。榮。山。椒。皋。蘭。披。廣。路。二。女。浴。江。潯。湘。妃。委。寶。璐。青。驪。逝。不。留。追。從。西。陵。渡。中。散。攜。琴。來。阮。公。貰。酒。去。冷。然。明。月。彈。淒。其。廣。陵。賦。再。再。四。序。流。華。顏。難。久。駐。富。貴。非。所。求。何。爲。重。刀。布。

古詩

宮白胡靈光。鐘鼓政相聞。翹翹驅一束。奄迫蒼梧墳。迤輔爲靈墟。夾有大禹文。此牒焉得取。強之奕其君。明達揆岳牧。籌箸一何勤。卷光安及知。世務今紛紛。日英發光華。唱者八伯人。慎毋屬此歌。曲成泣如雲。

驅馬臨長阪。志欲遜遐荒。殊荒安所適。予意正怱怱。艱哉此九折。直道已難行。世靡極人爵。令譽殊觥觥。一朝金石渝。肺腑乃見戕。人智古如斯。愚婦昧其常。喟然返中慮。委曲廻剛腸。禍福信無門。睿聖貴和光。不見英越盛。一瞬已殲黃。微巢久已覆。此鳳不留翔。對酒憐鞅斯。誠哉可憐傷。

黃河緣高山。滂流布雷首。崑陵不極覩。廻連曲已九。箕陰去堯禹。懸世殊未久。大寶乃可輕。世道良不厚。謬矣夷叔言。農虞不代有。差幸片辭存。人骨劣已朽。詭遇謀人國。隘者或見醜。弗却蟲達功。介叔免亦苟。北海樽不開。東山棋又負。朝予發齊門。言觀太岳峯。震木扶晨熹。旭日正東東。危冠薄玄蜺。儵儵排飛龍。東后之所居。雲氣亮如容。免首令心悲。世務何憧憧。憧憧封禪七。十代羣帝兇。其終

九域已如一周郊。雷正同紀載。多反覆。世過猶張弓。不見束牲誓。崇朝遂相訂。  
黃鳥若焉如。慚哉寸心蓬。

迴轅臨河水。陽鳥已西崦。隻雞陟爾丘。危冢正北南。稜威權八州。聞望何炎炎。  
赤帶蝕日角。伏機已晝潛。眞王乃躡足。方寸諒難甘。一夕智慮盡。肩髀困蜚廉。  
杯酒能相釋。芥蒂抑何纖。哀哉此毫末。沒齒用相銜。孰能百計保全之。寸心慚  
崇高理宜危。智士故遠嫌。樂羊有不信。中憤忽如燔。

趙主昔藏器。羸人來見干。卞氏未蜚聲。懷璧取世患。明月曲前投。按劍忽無端。  
泣血返爾國。遇合故艱難。止水有旋波。世轍危難安。黃鳥汝如知。九寓正流言。  
終古一若斯。念之寸心酸。感此不可興。泣下以流連。恟慄煎中臆。焦灼摧妙顏。  
嗟哉彼孤孽。晚矣念前愆。口哭哀。棹花哀哉。誠足憐。

曾華發神皋。枝條豔何美。獨立信姱修。蠅蠅輕譽毀。雒妃西南將。綠衣黃其裏。  
雖無趙孟驩。貴賤不在己。繁縟及時歇。金蓮鳴悲耳。玄颯一相危。悔心萌自此。

片言興讒。疎往事。慚酒醴。事急遲不渡。貪詐已難使。明達莘野言。行矣權爾爾。日夕途苦修。仄仄遽能已。

都容不炫世。利器不示人。至道尙玄默。寧靜持其鈞。惜哉矜伐子。積毀政滅身。自鬻何囂譁。攘攘用亦勤。猗歟柱下士。定慮持明神。百年固難圖。恭恬躁之君。烈烈是非間。上聖貴同塵。少正非不慧。倏忽令悲辛。

朝顏何熒熒。委豔入公室。炤炤九闔中。睇眄發奇質。飛蔓結喬木。令望殊洋溢。晨微忽娉娉。委頓就茲畢。日輔來相侵。羲車亦過軼。崇華匪不馨。咄哉二運疾。綏綏亦狐携。天下久如一。堅冰不周星。謠詠諒有日。世圖方傾軋。前路正如堦。舉措一以違。誣言爲之實。吁嗟續紛人。云何乃此失。

梅九詩選

景定成字梅九山西安邑人今錄詩十七首

夢仲慮



雪花舞蓬壺板屋寒光。寧圍鑪夜不溫。擁絮吾與汝。窈思方外懸清詞。相嚼咀却惑。析梵藏妙悟。及片語流轉北復南。失我讀書侶。昨夕忽相逢。恍在海之渚。冷月墮銀座。櫻花飛上野。醉譚千代樓。拍手驚倭女。踏舟瞬凌虛。掇星如斗大。天搖雲浪灑。曰歸與歸與。拂袖共君別。魂墜茫失緒。松濤宕夜牕。猶疑斷腸處。幻境渺難追。悄思只悽斷。

稚伶劉箴俗哀詞十四首

惡訊忽傳稚伶死。一為灑淚向長安。奇才如子愁難再。歌舞臺空七月寒。生小十三上舞樓。苗條嬌勝女兒柔。只因一曲青梅傳。到處逢人說。嘒秦謂小

嘒為考訂此字

半寫聰明半寫癡。柳陰佳會為伊初演折劇扮少女亦難期。翻成薄命紅顏女。一現曇華

惹世疑。

雙劍連騎。婉孌娘。風流妃子屬恆王。橋邊戲折腰肢。柳誰復銷魂。看豔粧。

活是朱家一盪婦。風情顛倒鴛鴦壺。劇名綠野仙踪後段滿場忘却真與戲。曾誤狂呼殺此奴。

母嫂調和憑一妹。天機活潑笑兒愚。新小姑賢愁如揚子江心過。惡浪特來沒

小姑。

淡寫輕描孝子金。劇名扮貧家少婦釵荆裙布亦堪欽。良心突突胸前跳。一語掾人記

到今。

赤髯翻成女太王。劇名扮女賊幻郎為女女為郎。本來色相空如是。劇影浮生更斷

腸。

空前絕後敢虛誇。總算歌兒第一家。只怪秦儂無眼福。鴛鴦劍劇名扮小姑底失嬌

娃。

舊劇擅場玉虎墜。慈雲庵裏倍銷魂。為君準擬懺情記。余為擬作此劇化作愁思嬾再

論。

驚倒梨園老劇師。天然伶俐數佳兒。何曾用意教歌舞。宛轉氈氍自合宜。  
敲碎歌琴學倚樓。弄姿作態儘風流。美人騙劇中妓女早知此際空回顧。爭似當時不見休。

分明眼底影珊珊。帶笑含嗔舞未殘。如此可兒天奪去。更何情緒入長安。  
千嬌百媚憶秋波。箴兮箴兮奈若何。賺得阿儂一掬淚。不辭顛顛爲悲歌。

聞劉伶未死喜占二絕

悵說奇花落舞筵。曾爲灑淚一悽然。飛來片語佳兒在。深喜惡音是謾傳。  
莫怪中年競樂哀。笙歌滿地幾人才。憐他絕代丰姿美。重整全神注舞臺。

吉樂詩選

王漢章字吉樂山東烟臺人民國二年在中華民國報同事自報紙停刊遂各  
不相知矣今錄詩四首

題黃山谷小像

元符黨籍任推殘。論及當時齒已寒。並世諸賢誰第一。絕無異議到新安。  
二王字是無臣法。詩亦坡仙祇與齊。一語涪翁應首肯。如何社派限江西。  
瞻公眉宇信峨然。小像當非貶竄年。聞道黔安居士老。衣冠入畫是清禪。

讀周寶丹烈士無盡庵遺集用原作寒夜枯坐韻題後

無盡爭傳烈士名。英靈河嶽共幽明。詩文慧業千秋定。貫索沈寃一昔成。太息  
伯仁逢世變。低徊叔寶自神清。臨風莫壓山陽笛。從此長淮水不平。

孝毅詩選

曾延年字孝毅四川成都人今錄詩十首

別友

男兒重交結。離聚苦無端。別恨從茲始。相期共歲寒。感時看寶劍。徇俗罷詩壇。  
鮑子夙知我。艱虞敢自寬。

妾貌

妾貌如新月。照人非自知。如何臨君前。輒使誤相思。清光不可褻。相思徒爾爲。願君拭心鏡。母愆三五期。君不鑒妾心。終然下弦虧。

濰縣春居

暖氣襲簾鈎。簷前鳥語幽。午眠溫客夢。獨醉選春愁。家國憂何切。形骸累未休。萍蹤且無定。聊爲此鄉留。

春去

落花不自惜。猶傍燕雙飛。春去愁仍重。時艱客未歸。百年榮夢影。兩鬢積霜威。行樂吾何俟。黃金及早揮。

由淄川將歸樂安留別王謝諸子王將之粵謝將之閩

將歸欲灑淚。淚苦無乾時。世亂難爲別。家憂各自嗤。眼中人萬里。陌上柳千絲。不見臨風意。依依向路歧。

閱歷

弱歲甘嬉笑。心如濁水渾。寢食唯所欲。人事何足論。人事有盛衰。閱歷遞寒溫。十年傷哀樂。乃識死生根。婚宦衆所欣。情欲亦以繁。歡來不可節。安能寒煩冤。略解談忠孝。便多未報恩。百年能幾何。缺陷彌乾坤。持此謝形骸。何以位生存。

少婦篇

結髮爲夫婦。感君如戴天。團扇却當夕。明珠雙鬢邊。洞房無多欲。恩愛足百年。一身皆君有。含情私自憐。八月秋風起。吹君渡淮水。淮水有佳人。媚君顏色喜。新紅裁作衫。舊紅翻作裏。人情多反覆。而况爲客子。客館霜雪霏。閨中綬寒衣。欲寄斷消息。心隨明月飛。明月到上弦。猶得滿清輝。少婦守空房。憂讒復畏譏。不願效羅敷。秋胡終自歸。

短歌行戲贈六郎

今年元夜月當空。月下燈光照臉紅。六郎醉舞氣如龍。願祝青天無白日。長留歡宴月明中。今年寒食更瀟灑。秋遷院落東風冶。我適遠行伴車馬。春衫獨著

難成歌。六郎立老桃花下。桃花開落非自知。寒食元夜不多時。明年春色知爲誰。六郎莫負眼前樂。笑倒長安游俠兒。昨宵歌舞地。臺榭已珠絲。

大明湖上柳

湖上春歸第幾橋。銷金帳裏儘魂銷。掀簾怕見青青柳。又把華年換楚腰。

天放招飲酣雪亭醉中即事

漫疑癡語勸加餐。幾度温香漏未闌。話到紅羊仍醉舞。當筵只作再生看。

无量詩選

謝无量以字行四川樂至人今錄詩三首

已西歲未盡七日自蕪湖溯江還蜀入春淹泊峽中觀物敍懷輒露鄙音

略不詮理奉寄會稽山人冀資嗚噓

故園三千里。長江日夜聲。場船魚服遠。隱几鷓冠輕。驛路春先入。風濤夕數驚。實經巫峽險。真念聖湖清。泥渚魚公草。滄浪孺子纓。浮生仍不繫。君子直無營。

管席陪書幔。揚亭別酒罌。昔時同載魄。此日黯消精。溫矚延犀燼。劉招杳桂英。  
離羣頻子夏。浪跡類羅橫。未就持竿去。徒爲荷鍤行。不堪追素孔。祇是怯黔羸。  
阮籍曾埋照。長沮亦耦耕。東臯淹旅食。南郭竟狂醒。先世承炎帝。于今憶老彭。  
蜀峯元赴楚。淮岸復通荆。辟地隨尸狡。乘流異別今。薄齋纏藥裹。費日更楸枰。  
窄瀨遲移棹。懸崖逆挂檉。山驅千笏立。江蹴一門成。島嶼參差出。虹蜺咫尺生。  
屈騷心自苦。漢曲聽如惶。夙飼神祠鳥。兼供禹廟牲。受符壇縹緲。刊木歲崢嶸。  
斑竹泉分淚。幽花冷獨榮。瑤姬雲不定。杜宇血猶縈。久已無丹鳳。虛傳畫白鸚。  
仙橋臨井路。妖氣聚機槍。往往思三戶。稍稍駭五丁。猿猱開闢有。斤斧鬼神并。  
估客皆霑笛。叢霄恍夢筮。灘留高象臥。波倒定龍擎。嘆逝嗟何及。觀虛道乃瑩。  
下催桑海變。西接杞天傾。複嶂行看盡。環洲遠更迎。石錢緣水疊。蘿刺倚空撐。  
鏡象明前浦。霞陰轉碧泓。平川一帆影。絕壁幾茅楹。飢鶴窺人訴。健鷄上屋鳴。  
峻哇憐菜摘。喧浪得魚烹。細樹澄潭月。香膠小驛箏。人烟通夕步。漁火駐微明。





杜甫先留宅。王郎未見情。此間豐鉤醬。別味勝蓴羹。豆葉齊初綠。桃跗啓半頰。  
此間春早 桃已擊萼。雲封伯益井。苔冷季長塋。松菊應追憶。山川舊徂征。何時回紫氣。重  
得過青城。

春日寄懷馬一浮

往往叨相見。寥寥愧遠尋。夢中芳草路。春色五湖陰。簇柳新牽帶。游蓴暗抱簪。  
畫橈頻別浦。席帽定高岑。詠浴澄沂志。隨薌吐谷音。料馴元晏鶴。倚落武城禽。  
若木仁容靜。兼山止足深。伯居長簡簡。朱坐但欽欽。四海干戈在。幽棲日月森。  
下簾疑罷卜。隱几卽援琴。久羨窺顏樂。何繇息跖吟。俛詩應有作。洞歷况能任。  
莫過玄黃野。猶熒赤黑侵。衆愚貪地味。枉惡詎天心。出米方徵性。重蘆舊止淫。  
淹中惟禮樂。稷下等蠶瘖。正復離羣數。遙知如道駸。病餘人事懶。愁畏二毛侵。  
列喻承憐虻。義占比斷金。願持千里意。聊爲豁塵襟。

西湖旅興寄懷伯兄五十韻

寢瘵西湖夕。含情絕塞烟。病懷空滯越。羈客久游燕。寂寂滄桑改。駸駸歲月遷。  
蕭條書萬里。慷慨劍三千。野寺青精飯。江湖白打錢。劉伶仍困酒。宗炳只逃禪。  
脆藕供金剪。絲蓴薦玉盤。堤陰蘇子柳。礪曲蜀僧蓮。夏果頻堪折。秋花亦自妍。  
淨雲遲野鶴。芳樹咽哀蟬。夢寐蒙莊幻。狂隨范蠡船。靈樞開嶺劣。清剡訢潺湲。  
虎路蒼烟合。龍居雪瀑懸。行歌千嶂裏。披髮衆人前。文命岫嶁記。公孫委宛編。  
但聞過舜井。何處問秦鑄。刊木雄豪士。浮杯跌宕賢。籬村深冉冉。桃澗碧娟娟。  
照水調玄鬢。登山擷紫荃。挽雲爲坐席。倒海作飛泉。西笑痛驄馬。南行和杜鵑。  
自行芳草外。不到夕陽邊。倦鳥思投檝。沈魚競躍川。路窮成五噫。愁極望諸天。  
蹙蹙身安往。悠悠脰已脩。惠休懸榻在。元亮隱居偏。素雨凝蓮社。淒風散野田。  
下帷耽寂寞。披褐向眞詮。佛國千乘法。神霄百寶籤。刪書衰季後。窺象大庭先。  
弔古懷彌切。緘憂淚欲潛。秦黔無二世。周碧有三年。哀怨江南賦。淒涼蜀國絃。  
獲麟將斷筆。嘔鳳始成玄。黑夜同甘夢。羣生祇慕羶。江山橫獨涕。天地絕隨肩。

溆浦西風落。葭汀白露溥。酒悲頻宛轉。秋病日沈綿。僻徑纏藤蔓。微陰度澗瀾。  
穉松和月種。仙藥帶雲攢。莫比陶弘景。真慚魯仲連。消梨清晝渴。沈水對宵眠。  
晚歲忠丹烏。陽阿放白鵝。靜來依老桂。憂裏看柔荳。近海朝嵐惡。遙岑獵火然。  
蕩心歸澹泊。屏足謝拘攣。永愛山中住。焉知世上緣。寫愁鸚鵡句。望遠鵲鴿篇。  
徂歲憐青鏡。迴飈託素箋。龍沙何處所。長想雁來還。

叔永詩選

任鴻雋字叔永四川巴縣人今錄詩四首

歲暮雜詠

民國三年元旦後一日作於北美紐約以色佳城

巴縣任鴻雋叔永

淒厲歲云暮。朔風拂枯條。年年耶誕日。飛雪滿山椒。今年氣候異。冬月無寒宵。  
衆士趨歸寧。孤客獨無聊。無聊那可度。良勲見招烹茶細論文。聊以永今朝。  
癸丑耶誕前一夕同學皆歸獨坐無聊胡君適之  
羹茶相邀與楊君杏佛三人聯句得七古一章

昨夜天忽雪。侵曉勢轉盛。臥聞橛聲喧。推窗光掩映。披衣出門去。循塗自開逕。

輕盈尙撲面。深厚已沒脛。遠山淡微林。近潭黝深凝。疏枝添更密。高檐滑欲迸。寒雀凍不飛。松鼠冷猶逞。我行懸橋上。萬松相交并。俯視不見泉。冷冷聲可聽。蹊路得平直。舉足忘痠硬。眷然惜良辰。安能效袁令。

冬居何所事。相將試滑冰。比湖湖名在康南爾大學後二三里。澄波作鏡凝。數日天氣寒。

凍合堅。可乘氈裘帶。鐱鞞鐵履著。孤棧躡足一縱。溪飄忽逐飛。翮湖西。轟高臺。

云是土巴庚。土巴庚當雪積冰凝時人自臺上乘小橋滑下以爲樂長翼直趨水。邈迤

如引繩。小橋三四人。并坐屈膝肱。一發下高嶺。餘勢越遠贈。繞湖成三匝。共道

馭者能。臨深豈不懼。逸性故難勝。誰能學懦夫。履薄徒兢兢。

大地有東西。四時無留滯。自我來此邦。茲辰兩度歲。小城清且閒。市門當晝閉。

冬青羅窗前。稚子戲階砌。有時笑語聲。款款出深第。感此異井物。坐懷故鄉例。

夙駕信未違。幽居聊小憩。日夕聞清鐘。仰天縱遙睇。

鐵崖詩選

雷昭性字鐵崖四川富順人今錄詩二十六首

步亞子見贈韻

詩酒因緣兩度過。離鴻去燕譜春歌。口飛白鳳慙無夢。心逐紅梨感逝波。僑札新交纔贈縞。炎黃遺冑久操戈。五湖烟水詞人老。疇伴西施隱苧蘿。風流餽啜笑顏酡。珠玉相形奈老何。射虎北平矜羽箭。釣鼈東海困烟蓑。井邊柳。永名方震。鑪畔黃公願已訛。一樣紅塵憐小謫。滿腔哀怨訴誰多。

海岸望月

中夜不能寐。徘徊倚窗顧。舉頭望銀蟾。清輝透寒霧。佳人渺天末。不得期良晤。明月爾何知。皎皎多情素。疇昔居鄉閭。伴我吟章句。今日居海濱。照我窮途路。安樂固相知。流離能相遇。人情有圓缺。爾心泯新故。永結無情游。相期白楊樹。參禪白雲古。剎苦不能靜。詩以遣之。

太空一渾然。中本無所有。元氣分濁清。玄黃因之剖。凝積不能化。星球皆塵垢。

維。選。蠻。觸。爭。擾。攘。龍。蛇。走。終。古。任。紛。紜。清。氣。轉。昏。黝。惟。其。多。渣。滓。是。以。生。紛。糾。  
倘。能。長。渾。侖。幻。化。盡。蒼。狗。然。而。杳。冥。中。綱。維。孰。授。受。皓。旰。結。成。形。疇。則。握。樞。紐。  
吾。心。則。不。然。其。權。自。操。守。奈。何。任。撞。擾。時。隨。外。物。誘。萬。感。積。靈。臺。迷。離。歷。境。陡。  
恍。惚。入。瑯。環。飄。蕩。遊。岫。嶼。嘯。忽。刺。秦。皇。胸。忽。斬。樓。蘭。首。忽。悲。烏。江。騅。忽。飲。黃。龍。酒。  
或。擊。祖。生。楫。或。撞。亞。父。斗。或。慟。鍾。期。情。或。泣。任。昉。後。燦。爛。筆。生。花。槎。枒。肘。生。柳。  
謬。擁。鄂。君。被。幻。聚。高。唐。偶。循。環。邪。正。生。覺。後。泚。而。耻。本。是。清。明。質。如。何。粉。雜。揉。  
如。水。濁。於。泥。似。苗。亂。之。莠。仰。觀。吾。得。師。今。是。前。皆。否。凡。茲。七。情。根。一。切。歸。擊。掙。  
事。去。心。不。留。身。化。名。隨。朽。恩。讎。付。雲。烟。家。國。儕。瓦。缶。理。勿。辯。堅。白。情。何。區。薄。厚。  
親。者。視。如。疎。妍。者。等。諸。醜。只。求。得。惺。惺。遑。問。呼。負。負。譬。如。鏡。積。塵。一。旦。揮。以。帚。  
又。如。居。悶。室。忽。然。太。開。牖。妙。哉。大。解。脫。虛。無。斯。可。久。兀。坐。且。忘。形。蟻。穴。任。牛。吼。  
居。白。雲。菴。有。客。過。訪。憐。余。孤。寂。書。此。以。答。

余性耽孤僻。自愛棲林麓。况乃白雲居。翛然多水竹。游魚戲綠藻。寒鴉噪紅木。

雲去月挂松荷殘。秋放菊伏案。書爲友啓門。風作僕閑則釣西湖。悶或遊天竺。  
遇僧論色空。見農話麥菽。聊作天外鴻。鴈放中原鹿。莫謂山人寂俗塵。祛五斛。  
夏聲題詞步劍華韻

誰使神州竟陸沈。北來石羯感偏深。空聞羸政防胡策。久識苻堅入寇心。渭水  
潮流歸猛惡。驪山烽火伴登臨。匈奴未滅家何有。無定河邊莫苦吟。  
愁向龍門放眼看。江山枉說錦華團。國魂莫覓長生殿。漢室終無却死丹。避狄  
苦心悲賣父。罵胡慘劇憶伶官。鯨吞蠶食憑誰阻。每飯忘難白武安。  
帝王宮闕已塵埃。無復阿房付楚灰。民族方針子午谷。炎黃遺胄望思臺。纔悲  
六國軍書急。又見三秦羽檄催。不用吾謀心莫死。西隣杜宇早同哀。  
李廣終爲祛虜出。桃源今豈避秦居。灞橋月冷悲羈客。太液春寒話老漁。逐敵  
未聞王鎮惡。緩刑應愧路溫舒。山河百二誰家主。請看儒生續漢書。

武昌女兒行



武昌女兒風神異。翩翩儼有凌雲致。出水芙蓉解語花。少僅十三長十四。生小門楣是宦家。朱門華轂鬪豪華。繁華零落金閨冷。貧賤江頭自浣紗。無端茅舍集羣賈。跳跟叫囂索阿堵。阿爺避債恨無臺。但見淚揮言不吐。長女盈盈小院中。嬌羞無語桃花紅。萬種淒涼鎖雙黛。西施病倚館娃宮。少女當釺伺暴賓。嬌花弱柳不勝春。但教緩得阿爺急。敢惜明珠未字身。長女少女情蹙蹙。雙雙淚染湘妃竹。難效緹縈解父憂。可憐紅潤含情目。誰知羣客更凌主。咆哮惡狀如虓虎。此時二女慘難書。片片飛花墜紅雨。吁嗟乎。誰能仗義化金鈴。護彼花顏萬般苦。

神戶舟中兩夢李孟博賦寄

大海茫茫闊無舟。不可渡故人渺千里。如何夢中遇。豈有精靈飛凌波。不知怖縱使生雙翼。安能去又晤。輾轉縈百思。令我恍然悟。前日君別我。身別魂相聚。恐我畏風浪。且暮相擁護。又恐我未知。夢中頻告訴。是故大洋中。波平浪不怒。

感此倍愴然。使我淚如注。殷勤謝君歸。輪舟未容住。君方入高等。寧將功課誤。况過太平洋。驚濤不復懼。速去莫徘徊。讓我凌烟霧。課罷如相思。請讀舟中句。

哭廣州殉義諸烈士

誓抵黃龍聚義兵。復仇匪羨帝王名。却憐涿鹿干戈起。辜負昆陽雷雨聲。子弟八千殉項羽。英雄五百死田橫。胡兒漫喜根株盡。得遇春風草又生。漢家元氣滿中州。風虎雲龍大義投。夜月杜鵑猶泣蜀。蠻荆秦伯忍忘周。九華峯冷紅顏史。五嶺山橫白骨秋。兒女英雄歸一塚。珠江嗚咽水西流。當道豺狼厲爪牙。羲軒遺豔化蟲沙。張賓助虜人心死。翟義摧師漢室嗟。萬古玄珠沈赤水。千年碧血灑黃花。烏啼月落羊城畔。尙有靈風拂柳斜。生寄死歸何足戚。健兒早已戴頭來。白山黑水妖猶在。紅粉青年我尙哀。魂魄不啣精衛石。風雲猶黯越王臺。天南漫道香花供。北望神州總惜才。

殘燈

殘燈細雨冷黃昏。結就深愁瑣斷言。詠檜。獄成。詩有罪。掇蜂。跡著。孝難。原伯仁。書就冤禽血。屈子詞歸夢蝶魂。莫到秋墳聆鬼唱。啾啾猶是舊啼痕。誰拋寒雪妒東君。零落春花片片分。蔽眼烟雲星奪燄。無心風雨水生紋。藕雖被碎絲猶續。麝已成塵氣尙薰。文字有靈招不應。君苗筆硯不堪焚。寒衾坐擁意茫茫。筆化沈瀾淚化霜。翠羽被摧悲絢爛。幽蘭受剪悔芬芳。常懷月蚌盈虛感。誰識星鯨出沒傷。咫尺天涯愁萬疊。白雲黃竹變宮商。浮生幻跡詎堪留。露滴芙蓉泣暮秋。蕙茝詞哀心匪石。柳陽亭短淚橫舟。七盤雲斧全灰滅。百幅鮫綃一垢休。怨魄欲歸歸未得。九天浩蕩籲靈修。啼笑悲歡事總非。雲天寥雁路依稀。箕鱗日月招難應。蟲蟻風雲感已微。侘傺魂靈梅鶴夢。迷離耳口蟹虻飛。橘中棋局休閒甚。變枳因緣也伏機。重提往事倍酸辛。况有鴻泥爪跡真。花逐蝶飛紅入夢。血因鷓泣碧成春。紫河迷徑香難擷。丹藿藏雲影莫親。漫話摩訶池畔事。不堪回憶侍中巾。

便化飛魚破浪馳。無端龍伯餌竿垂。兔絲雖有根基屬。蠶繭寧忘解脫思。耶佛無情休拯俗。星球相吸總緣癡。身成蓋粉飄飄散。又到輪迴化合時。吳頭楚尾三更淚。渝舞巴歌萬里情。秋燕欲歸思舊幕。寒蟬未死憶新聲。關河慘澹紅羊劫。魂夢蕭疏白鷺盟。江畔行吟顛顚盡。憐他魴尾已成頰。

夔州

扁舟一葉發南浦。一時阻風一時雨。遲遲兩日下夔州。夔之形勢險且阻。大山巉巖入霄漢。百千萬尺不能數。忽然中峯闢一道。絕壁巖嶺勢同剖。兩壁之下水奔流。驚濤駭浪恣風鼓。仰首望天天一隙。日出月落不可覩。讀書不聞大禹鑿。疑是神工與鬼斧。此地古爲蜀之門。灩澦石當中門堵。天險若此守宜易。古來據者皆成虜。望帝之魂無所歸。年年三月啼杜宇。得此空貽井蛙譏。不能如虎乃如鼠。吁嗟乎孺子不可輔。永安宮殿恨難補。至今白帝城頭望。空見年年水聲怒。

小姑山

未識誰家一小姑。獨來江上獨踟躕。生成本色稱螺黛。明試新裝照鏡湖。撲面  
雨風愁櫂沐。遍身木石當珊瑚。可憐姓氏無從問。居處無郎長自孤。

舟中寄鐵厓

萬峯相送下晴川。零雨瀟瀟亂打船。兩岸雲山速奔馬。一天波浪湧繁煙。堤邊  
土赤非關血。江上風多不賣錢。未識故人何處遇。落花時節到江南。

荔丹詩選

張光厚字荔丹四川富順人今錄詩四首

大地

大地啁啾哭覆巢。敢將脂粉抹弓刀。顧家何以爲蘇武。負氣而今學韋皋。世路  
磨人天意險。邊風吹角陣雲高。杜蘭香若從空降。紅袖花裙捲戰袍。  
竹梢墻角月斜西。枝上螭螳獨自棲。秋怨一篇感兒女。畫堂雙舞羨鷓鴣。流來

楓。葉。詞。難。解。修。到。梅。花。數。不。齊。知。己。天。涯。一。回。首。蕭。關。寥。落。夜。烏。啼。

病中口占

窗。外。雨。淋。淋。燈。昏。夜。已。深。欲。眠。眠。不。得。心。病。病。人。心。

閨怨篇

秋。山。寥。落。秋。水。漬。秋。風。蕭。瑟。秋。心。悸。此。心。寸。寸。斷。如。灰。一。片。秋。思。向。誰。寄。只。見  
秋。雁。不。見。君。秋。山。高。高。無。好。音。胡。爲。秋。瘦。秋。不。死。夜。夜。粧。臺。愁。殺。人。金。翹。玉。釵  
珊。瑚。釧。藕。香。裙。屐。藕。絲。篆。菱。花。鏡。裏。芙。蓉。妝。照。見。珍。珠。淚。紅。濺。落。紅。亂。濺。鮫。綃  
裙。千。點。萬。點。如。羅。星。此。身。恨。不。化。杜。宇。春。來。叫。斷。相。思。魂。持。刀。欲。斷。相。思。樹。離  
恨。天。長。不。知。路。翡。翠。樓。頭。么。鳳。飛。胭脂山下玉人去。玉人遠在無定河。河邊秋  
草。受。風。多。恨。風。不。與。王。孫。便。橫。空。吹。斷。紅。絲。羅。紅。絲。難。繫。玉。驄。馬。錦。琴。無。聲。玉  
簫。啞。一。日。登。樓。十。二。回。回。回。望。見。飛。鴻。下。妾。身。安。得。如。飛。鴻。雙。雙。羽。翼。翔。清。空。  
飛。到。郎。邊。向。郎。語。妾。顏。依。舊。桃。花。紅。妾。像。桃。花。不。長。好。一。年。花。落。一。年。老。折。花。

休折連理枝。枝枝紅透。紅心草。九月草深。雛馬肥。蕭郎馬蹄。胡不歸。機中織就。秦川錦。待換郎身。金縷衣。郎衣莫爲千金換。郎心莫學秋雲變。新衣雖比故衣好。須知故衣故人綻。故人盡日欄杆頭。白水蒼山無限秋。有心寄恨學蘇蕙。強到南牕刺繡毬。翦翠裁紅作茉莉。好花翻爲人顚顚。玉晶瓶底養花水。一半流波一半淚。幾回忍淚呼阿娘。人生何苦作鴛鴦。作到鴛鴦却愈慘。離愁幽怨。年年長。長夜霜寒。月高起。嫦娥有約。人千里。搗衣砧上光熒熒。不照妾心。照湖水。景廬詩選

郭惜字步陶號景廬四川隆昌人今錄詩五首

秋海棠

亭亭弱質不禁風。一點寒燈寂寞紅。花若也知憐玉意。託根故近宋牆東。嬌紅姹紫總飛烟。情到難時祇自憐。無限嬌羞無限憾。一簾風雨九秋天。不與韶華鬪顏色。偏留孤豔照寒枝。美人心事高人節。兩樣情懷一樣痴。

是嗔是怨是情思。零落西風強自支。更有惱人魂夢處。五更殘月酒醒時。  
含情脉脉寄牆根。一幅鮫綃賸淚痕。箇裏有人誰識得。紅樓深鎖又黃昏。  
天民詩選

呂志伊字天民雲南思茅人今錄詩三十一首

昆池舟中

海風吹透錦衾寒。月照波心燭炬殘。一夜扁舟無個夢。菊花枕畔浪花攢。

滇南勝境

先鞭策馬度雄關。兩地陰晴片石間。到此更增離別恨。那堪回首望家山。

青龍洞

乾坤俛仰感經年。萬里巖疆一洞天。冬嶺白飛千樹雪。春江青繞五溪烟。疎燈照水漁舟泊。峭壁穿雲鳥道旋。憂樂此身天下寄。岳陽風月渺無邊。

清溪道中



鷄鳴關競渡。風雨滿江洲。山態隨雲變。河聲挾石流。浪花欺雀舫。露草逼羊裘。飲盡杯中月。乾坤一水鷗。

過黔楚界喜晴

天教黔楚判鴻溝。風日新晴宿雨收。六詔鄉關常恨別。三湘春水無情流。山連烟樹青圍幄。船逐浪花白打毬。既倒狂瀾難遽挽。上書徒抱賈生憂。

雨後晚行

連朝陰雨滿春城。萬里羈人苦晚行。山繞寒烟昏樹影。灘撐危石咽江聲。螢飛草岸星疏落。犬吠花村月半明。暫困泥塗何所辱。爲霖志在濟蒼生。

夢後有感

夢裏還家覺竟虛。悲歡交集淚沾裾。無情最是衡陽雁。不自雲天寄紙書。

鎮山樓遠眺

登臨行遠幾悲秋。大好湖山百尺樓。江上碧波吞落日。村邊紅樹繫歸舟。棗門

草短衰齊女。井里槐高慕子游。怕向彩雲深處望。西南半壁杞天憂。

破山寺

寒雲古寺說南朝。金粉飄零却未消。遠樹朝籠山澗霧。大江秋漲海門潮。棲雲鳥靜聞僧磬。咽露蛩吟答市簫。記取當年龍鬪處。春雷隱隱雨蕭蕭。

東瀛道中

直掛雲帆賦遠游。東瀛奇景豁雙眸。山蒼有骨橫秋老。海碧無情巨古流。怒浪掀天馳萬馬。陰霾匝地鬪羣虬。太平洋岸風潮急。孰起陸沈四百州。

虎丘

海湧峯頭立馬呼。劍池失色愁泉枯。虎丘寶氣銷沈盡。孰起吳王問霸圖。

冬夜圍爐

釣天胡此醉。漫空雲靄鬱。遲日淡無光。朔風送寒氣。暮泊石門灣。烟樹昏無旣。積雪埋遠山。寒江起微泚。扁舟夜圍爐。醉言足清味。談兵鬼神哭。拭劍蛟龍畏。

慨我生不辰。憂國心如沸。客星據帝座。腥羶非我類。陸沈神州裂。天驕白種貴。欲寒西賊胆。軍無韓太尉。欲會孟津師。野遺姜鈞渭。東海泣魚枯。南山隱豹蔚。忍爲汗漫游。登高每歔歔。憑欄髮衝冠。拔刀鬚如蝟。更深眠不得。狂歌聊自慰。

嘉興阻雪

滿天風雪阻輕航。信宿嘉興客悵長。千里雲山征雁杳。萬象烟樹晚鴉藏。謝庭柳絮嬌無力。王店梅花冷愈香。怪底鈞天胡此醉。陰雲久合閉朝陽。

讀史感賦

奸雄治世亦能臣。負我毋寧我負人。統一功成司馬帝。石緘金匱有傳薪。自負雄才特忌才。桓邠邊讓趙彥孔融許攸婁圭崔瑛禰衡死匪由。江夏鸚鵡洲前草變衰。

承資跋扈行凶忒。鷹犬居然被虎文。爵賞由心刑在口。摸金發塚半將軍。聞雷箸失劉玄德。避地榻穿管幼安。天下英雄惡凶狡。人中鸞鳳遠貪殘。

檄醫頭疾陳琳輩。翻作美新莽大夫。走狗飛鷹游蕩子。居然受禪應富塗。  
冬春射獵夏秋書。巖穴知名士不如。歸去譙東精舍在。胡於逃賞歎申胥。  
南飛烏鵲恨無枝。未靜江湖亦自疑。狐媚奚能取天下。欺人寡婦與孤兒。  
拒狼進虎豈良謨。亡國圖存猶大夫。雲擾中原追禍始。渡滄入塞許羌胡。  
歡娛苦短憂愁多。旁眺八維奈老何。歲在大梁天亦醉。犂牛似虎莠如禾。  
踞吾爐上罵孫權。虎視龍驤亦可憐。豈被夏侯盲語誤。翻含遺恨到重泉。  
建始承明起洛陽。梨根血出恨非祥。將軍墓道休題漢。至德周文諡武皇。  
威武能驕富貴淫。冢中枯骨亦天神。預爭皇后憐諸婦。終作分香賣履人。  
晉臣穢史尙貽譏。直道斯民有是非。妻妾難傳心事徧。知心况只一青衣。  
奪取人妻爲子婦。然其煮豆種前因。石磨公幹猶平視。枕薦陳思竟感甄。  
橫槊賦詩一世雄。二喬未虜恨東風。而今立馬西陵望。銅雀臺荒總帳空。  
作僞心勞死不瞑。水洶崖黯漆燈青。漳濱七二皆疑冢。暮雨秋燐草亦腥。

休爭正統與偏安。國賊曹操論不刊。袞冕彤弓膺九錫。空貽塵謗沐猴冠。  
降旛縱出石城隈。霸氣西南尙未衰。梁甫吟成身許國。臥龍十倍子桓才。  
佩青詩選

謝樹瓊字佩青雲南騰越人今錄詩七首

詠懷

昂藏一野鶴。資性最幽嫻。腹中雖饑餒。飲啄猶自閒。豈肯與羣雞。爭粟庭衢間。  
行。潔。食。不。足。我。爲。淚。長。潛。

晚眺有懷

大江東去夕陽斜。古木寒林泣暮鴉。一縷淒涼愁絕景。無人可共哭天涯。

讀書有得

明月悄不語。落花淡無言。人心自煩鬧。萬境儘幽閒。

秋興

逝水年華被墨磨。荆榛滿目感懷多。枕戈越石仰天嘯。拔劍王郎斫地歌。夜月鳴蟬悲喪亂。秋風哀雁弔關河。人生須具匡時念。休向天涯閒處過。

漫興

艱難身世兩悠悠。月滿天空一倚樓。激烈濤聲千古壯。光芒劍影萬山秋。靈均澤畔行吟苦。豫讓橋邊衫色愁。一片傷心無限恨。長江不肯向西流。肝胆愈摧志愈堅。風徽豈肯讓前賢。海濤澎湃欲吞日。劍氣崢嶸似插天。世事蹉跎驚歲月。年華黯淡入峯烟。鐘聲難喚睡獅醒。獨抱離騷不忍眠。

自嘲

落魄青衫涕淚多。十年枉自枕雕戈。雞鳴劍吼心疑碎。石爛海枯志不磨。斫地悲歌愁日月。極天意氣動山河。一般志士淒涼老。天地無知獨奈何。

季剛詩選

黃侃字季剛湖北蘄州人精音韻之學民國二年季剛主民聲報余主中華

民報雖政見不同而論學則無間言民國六年余在北京時季剛正主教北京大學同在都門握手甚稀嗣後余回滬上聞季剛亦回武昌矣今錄詩二  
十五首

向島觀櫻

春風被。廣隄復。值蠻花。開丹靄。映陽輝。媚此都人來。仙雲既空靈。脩路清氛埃。客心忌曛雲。欲與春徘徊。燈繁葩杳冥。霞漾波縈回。豈謂俄頃歡。翻令羈思哀。故宇多芳華。何必棲蓬萊。

效庾子山詠懷

徐衍空負石。鮑焦方棄蔬。鬱鬱悲世理。飄飄就塵塗。學鳩終控地。鳳皇猶在笮。微生會有盡。奇氣誠難舒。萍浮江海上。何必問所如。阮生廣武歎。葛老梁父吟。不覩斯人困。焉知賢者心。九域方魚爛。百年還陸沈。蝮狙假周服。誚讓一何深。惟聞淮南國。尙留鷄犬音。

縱橫素不習文采。世方疏歧塗。尋本末。空宇懷玄虛。本自山林客。來從喧闐。  
化茅心。所凜移橘性。未殊夙心終已矣。但恐歲華徂。  
陸機志解累。賈誼思遺形。積慘苟未舒。玄言非至情。恆幹既牽繫。遐想終空冥。  
鮮卉當春茂。枯條直秋零。仙夫不可接。何術希長生。  
運斤悲臣質。輟絃想知音。斯人既零落。奇情何用深。寒蘿眷浚谷。采薇陟高岑。  
古意亡已久。獨往誰爲心。去去勿復言。涕淚霑衣襟。  
此日窮途士。當年游俠人。一朝時運乖。宿願不復申。行歌向江海。含意別交親。  
舉觴振高眄。撫劍懷舊恩。悟彼自然數。苦心何用陳。  
歲晚滄江上。依依見夕陽。胡塵已銷散。兵氣尙飛揚。孫恩既黠桀。袁紹猶強梁。  
會合終無路。分崩焉可長。未覩劇辛諫。徒爲黃雀傷。  
伊尹耕莘野。君章漁弋陽。名實本不虧。出處何無常。救患亦已尠。榮觀誠未忘。  
棲巖寧吾拙。縹組寧吾臧。游心在寂寞。放髮堪相羊。



悄悄發悲思。遲遲步前庭。緒風薄帷動。孤月當階明。露下葉響細。星流螢焰清。短夜若長夜。新情非故情。生事俱消歇。舊歡猶合并。沈飲似韜精。佯狂非畏患。未識人民非。居然市朝變。奇勳列鼎鐘。羣黎墜塗炭。江外何蕭條。徒深微管歎。我本蒿萊人。焉能知治亂。

行路難

金尊置酒爲君歡。請君聽我歌。路難。人生盛衰在俄頃。逞志究欲須當年。昨逢舊人過都市。高車大馬黃金鞍。聲名既起。意氣好。遇我曾非。疇昔顏便欲當途策。高足何爲坐。愁復行歎。

漢陽三月春未歸。楊花漫漫渡江飛。江頭絲管娛春日。焉能知我心中悲。去年辛苦與君別。轉眼今年又三月。早知麟閣未成名。莫令化作空城血。東家少婦鬱金堂。春歸日日理明妝。夫婿新爲二千石。歸來鞍馬何煌煌。

自河南寄溫楚蘅劉仲蘧

此別非常別。臨分淚泗流。望君歸故國。孤我向中州。冰雪經春泮。山原入眼修。一般和氏璧。到此總輕投。

我有無窮恨。難爲摯友言。何當通夢寐。試與訴煩冤。白日青春急。荒齋客思繁。幽都如可託。請召未歸魂。

危根誠自怵。愚意頗難移。口辯翻成吃。途窮解學癡。百年長夢夢。五夜遞遲遲。不謂身長寄。空憐命似絲。

令適誇秦璧。衣冠假沐猴。未曾充隱士。還復愧庸流。一鳳狂歌歇。羣龍舊識休。嗟余懷耿介。大地此纒囚。

絕學真無累。多文亦自煎。可能遺外患。長此困殘編。半解猶矜術。千言肯棄捐。不如鷓鴣好。哀響度春天。

彼美彈清瑟。含情可具陳。本來宜善感。何止解傷春。芳婉三生願。蕭寒兩地人。華年從損盡。此意總如塵。

燈燄昏。蕭館。羈心夜漸長。無誰聞。夢。嚙。有想。度。蒼茫。萬事催年鬢。孤吟仰屋梁。  
憑君知此意。慎莫笑頽唐。

無題

春晚垂楊映畫樓。玉人微撥細篁篴。摘花插鬢。翻嫌媚。染黛添眉。未解愁。斜照  
空虛臨院靜。殘香裊繞入幃幽。幾回獨向雕闌望。祇恨重簾不上鉤。  
仙人昨夜下瑤臺。廣廈笙歌繡幃開。隔座娛光難暫接。背燈香頸竟空回。螺鈿  
雅稱盤雲髻。鳳錦新成踏月鞵。照徑松光歸去後。羈魂猶逐彩鸞來。

題劉仲蘧瑞龍吟詞後

憔悴劉郎鬢欲絲。春來剪紙白填詞。佳期損盡年芳老。猶記紅樓暗別時。  
讀罷新詞燈燄清。高樓風雨旅魂驚。柔情欲減終難減。莫作人間腸斷聲。  
已分飄零過此生。幽情宛轉總難明。紅箋滿寫珍珠字。今日誰能喻此情。

景瞻詩選

周宗澤字景瞻湖北襄陽人今錄詩十首

書寄嘯園

海天萬里尺書傳。不迨開封已黯然。瓜蔓苦將無可摘。豆箕同盡自相煎。每逢日暮思君甚。又報春歸在客先。心跡雙清誰識得。蓬萊尙有李青蓮。貧甚雖無雀可羅。年來壯志未消磨。中原舉目皆荆棘。游子傷心廢蓼莪。知己親朋飛絮似。困人天氣落花多。江湖破帽殘衫客。一任流鶯自弄梭。

廉方招飲感賦

細雨櫻花四月時。春歸似較去年遲。爲尋朋輩看花約。致誤君家飲酒期。祇見封侯多豎子。不聞殺賊有奇兒。請看歷代興亡事。勝負分明似奕棋。

日光道中楓葉

隨處深紅雜淺紅。山山楓葉醉霜風。痴人當作春花看。三月長安道上同。頻年書劍走天涯。不爲功名爲國家。今日驅車日光道。滿山紅葉豔如花。

書感

莫報兄仇與國仇。亡秦三戶楚人羞。家山峴首思羊祜。旅食江頭感馬周。問字草荒揚子宅。汚人塵上庾公樓。未央宮裏降王長。新着承恩紫綺裘。

遜初週年哀挽一律

九十韶光纔過半。春雲如墨雨如絲。杏花有意紅先鬧。楊柳多情綠早垂。湖海何人憐翟義。風塵吾黨重要離。今年寒食江南道。藏血誰爲宋玉悲。

久不得恬階君盤養泉子靜競生消息賦此分寄

又是江南二月天。故人消息各茫然。杏花如雪催征馬。楊柳垂堤護別船。蘇季成名因刺股。苻家失算侈投鞭。何當沽酒襄江上。好釣槎頭縮項鱸。

贈天童智湧和尚閉關

三載禪關閉未開。蒲團危坐笑如來。半肩破衲任風舞。一屋如舟待月回。了了無遮翻貝葉。空空不染拜蓮臺。他年我醒揚州夢。同種江南萬樹梅。

與秋墨夜話

芳臭留遺兩不成。南陽三載未躬耕。獨令我輩持風義。只惜將軍重死生。有友皆爲范孟博。無人敢法竇游平。與君共話當年局。一着棋差誤一枰。

小柳詩選

陶牧字伯蓀號小柳江西南昌人今錄詩十三首

將赴廣州答友人贈別之作

故人爲我折將離。別緒眞成理亂絲。去日松鱸方可薦。到時桂蠹定相貽。西華單帳寒如昨。南海明珠事尙疑。魯酒待醒孤客送。夫容日暮此心期。

廣州光孝寺爲虞仲翔謫居時舊宅有訶子樹一株相傳仲翔手植也余

兒時家近寺旁恆嬉戲樹下。丙午十月重至廣州此樹猶存。悵然有作。迢遞訶林百尺枝。簸錢此下憶兒時。亭亭四蔭還如蓋。髣髴雙髦易變絲。重墮炎荒元不悔。逆推塵劫固難知。勞生贏得芳華感。歲晏攀條索語誰。

借吳門諸寓公探梅鄧尉作

十年水國寒生袂。著眼繁花意自殊。未有文章儕宋賦。且攜脂盞拜吳姝。東坡詞他年欲識吳姝面如聞喉鶴增遐感。乍喜蟠螭山涉勝途。便欲乞祠從鄧尉。秉燭三更對此花落英長與薦氍毹。

季夏憶吳門景物寄內

差池短翼年時恨。雨霽無端憶水鄉。戈渚楊梅纔過市。里語謂物之後時為過市吉祠菡萏未生房。愁邊節物知難遣。別久吳音漸欲忘。暝坐支頤成好夢。夢為鷓鴣浴橫塘。

貽樸庵

與君把酒話平生。不鑄黃金錯鑄情。斷梗長飄填恨海。著書無分剩詩名。此心似水灰同冷。白眼看人燭太明。最是春風吹又到。綠楊深處鷓鴣聲。

和子實西湖原韻

孤城煙柳萬絲清。橋外朱欄白水生。葉小荷翻風送暖。萍開艇過日初晴。山光入座與眉接。雲意浮天照眼明。緩緩花驄歸陌上。樹禽都作嬉春聲。

題季樵玉照并送其歸皖

春滿河陽花滿城。錦衣歸去送君行。飛來鳧鳥多陳迹。踏遍鷗波話舊盟。歌舞紅燈懷牡牧。料量金屋待雲英。華顛相見猶年少。莫向淮流照影驚。

和樸庵見答韻

秋蟲苦熱事宵征。杯酒期君遣此生。兩地月明心共印。一窗波寂影無聲。沙蟲吾輩歸何用。風鶴人間鬱不平。除却春江鷗可狎。雞壇仍在剩詩盟。

七夕和傲廬仍用征字韻

浮沈瘴海共南征。老我河陽白髮生。倦鳥依人思振翮。寒蟬在樹噤無聲。道高魔重文驅瘴。海涸桑枯路未平。只有星橋仍可渡。天孫日守歲寒盟。

和傲廬題允公詩原韻



百一十  
各有天涯歲暮心。十年萍梗苦能尋。藏身人海浮如芥。放酒尊罍悔不箴。詩動乾坤言慷慨。天多荊棘夜深沈。榮枯萬古回潮汐。莫共秋蟲繞砌吟。

寫感示樸庵

難得雲山數日晴。窗前好鳥弄新聲。雄談綠酒三杯醉。破鏡蒼顏一笑驚。芳草江南哀未已。名駒冀北夢無成。飄流瘴海同爲梗。恰與先生共此情。

寄懷菜傭有所詢

歌板空迴別後腸。此中歲月更嫌長。應憐客爲田橫死。未得人知叔夜狂。梁燕最防逢舊識。車龍驚見眩新粧。淘金挑菜皆陳迹。剩有劉公醉裏鄉。

次韻答樸庵

同在三山外。淒涼雨滿城。夢隨芳草遠。心與亂更傾。相對唯思睡。終貧只誤名。胡公最高邁。長揖事爲兄。

懺盒詩選

胡先驕字懺安江西新建人今錄詩二十一首

詩別蕭叔綱燕京

蕭郎二十風骨奇。嶄然頭角何疑疑。夜作雄文靈鬼泣。下筆造物聽驅馳。溷飢時切痾瘵抱。矢心重把乾坤造。願涉殊方求絕學。不甘羈下長終老。長途挾策獻春卿。春卿不識真精英。碣砩魚目徵。上選遺珠棄。璧空晶瑩挾策劉蕢嗟。下第束裝買權爲歸計。柳絲莫繫遠行舟。臨歧握手空揮涕。我今亦往東海東。豈云破浪乘長風。同此安危興廢志。忍看橫暴恣羣雄。此行矢志拚孤注。不令白日等閒度。他年絕域回馬首。與君戮力紓軀步。願君爲國善自愛。及時籌措賴君輩。樹人百載憎迂緩。回天巨責無旁貸。長歌歌己心徬徨。一帆從此指遐方。離愁百丈莫能遣。朔雲萬里徒瞻望。

遊仙廿絕

曩讀樊榭山人遊仙詩羨其清芳繚麗擬步原韻一一和作嗣以人事

二  
月  
三  
日  
天  
■  
空惚未能就緒繼來美洲樊榭原作遺置燕京初望殆難卽遂姑錄已  
成廿絕亦以誌一日心思之所寄爾

開遍瓊花玉樹枝。碧雲千里寄遐思。漫將三寸縷金管。細寫遊仙百首詩。  
白雲黃鶴兩相邀。俯矚河山夜寂寥。桂魄團圓秋露重。九天吹徹鳳皇簫。  
莫從海上跨鯨魚。嘹亮天音下碧虛。一枕波濤風萬丈。夢中猶誦錦函書。  
十里晴霞鶴背生。翩躚最好御風行。翱翔三界不知路。到了青城又赤城。  
仙桃初綻懶紅芽。踏月重來帝子家。十二萬年寧可慨。不須歷劫問風花。  
清流激激石粼粼。手植瑤芝意絕塵。碧玉峯頭耐狂嘯。洞天深處自長春。  
仙扃輕叩問飛瓊。王母何時返玉京。笑指雲端雙鳳輦。翠華寶蓋倍分明。  
鮫綃十幅易詩才。詠遍名山數未該。一領霜裘滿青雪。大峴崙頂踏歌來。  
呼龍耕綠種仙葩。千載風情漫自誇。閨苑雖無人世種。開時仍著並頭花。  
鳳蓋鸞車擁翠旒。瑤池阿母賜仙桃。捧來食盡懷雙核。餘液殷紅染絳袍。

芒屨踏踏逐飛雲。曉霧空濛濕練裙。峭壁蒼松久清絕。濤聲百里便相聞。  
竹冠籐杖白雲衫。未是孤高別俗凡。信足便來遊秦岱。天門千載尙巉巖。  
鶴髮飄蕭竊笠斜。閒來三島看琪花。老仙生自腰肢健。歸去慵乘白鹿車。  
生來北岳最崔巍。絕頂登臨倦眼開。足底黑雲三萬里。東南隱隱有鳴雷。  
黃篋三條且束腰。明人句遠遊無意鳥相招。一程步到星河畔。不見天孫度鵲橋。  
整頓衣裳下玉階。瑤池赴召換雲鞵。麟脂鳳髓傳杯盞。卽席天廚進水牌。  
天台山裏日高寒。看鶴梳翎獨倚闌。落盡桃花春水漲。胡麻今日尙堪餐。  
樓閣玲瓏有也無。仙風吹徹玉笙孤。瀟湘夜月寒如水。貪看驪龍戲領珠。  
傾杯控鶴醉鄉遊。一任春華似水流。不管蟲沙千萬劫。個中清福是前修。  
傾完玄碧酒千杯。跨鶴遨遊佛國來。恰遇生公宣妙諦。天花紛墜妙高臺。

卷六終

目錄

上海图书馆藏书



A541 212 0016 5452B

308582